


I KALEZA KA BUKKALO OBU BUBI

 [Mukwesu Orman Neville waamba, “Obu bulunguluzi, kumane muswaangano waantoomwe wankamu ya badaikona a basyomesi ba cikombelo wa Bwasanu masiku, tubala mizeezo eyi iisoolokede eyo iiyojatikizya baalumi boonse, ku banakazi boonse, oyo sikutobela wakatondezegwa wa mulimo oyu, inga wayanda kuziba mizeezo ya nkamu, mweembeli a mweembeli uubelekela aantoomwe. Nda bala mizeezo eyi iisoolokede cifumo cino. Bantu boonse bape kupakamana kusinizizye a ku swiilila kuli nkuko mbuli mbo mukonzya.” Mukwesu Neville wa bala mizeezo iisoolokede iicilila—Mul.]

[“Eyi mizeezo iisoolokede yakabambwa a kuzumizigwa aa nkamu ya basyomesi, a badaikona mu kuzuminana kuzwide antomwe a mweembeli a mweembeli mugwasyi.]

[“Oonse mateepu aa nkambauko zya Muf. William Branham aleelede kupangwa aa Fred Sothmann luzutu, kusikila kwaambilizigwa kumbi ku kazibisigwe aa nkamu. Ta tuzumini ku ciindi cino mulimo onse wakuli belekela wa mateepu. Aya mateepu aali kubweendelezi bwazumizigwa, nkabela taakonzyi kukkopololwa aa muntu uuli onse kunze lya Fred Sothmann kakutakwe kuzumizigwa kwakwe kulembedwe.]

[“Ca bili. Taakwe muntu uupangide miswaangano, kasambala mabbuku na mateepu, kulemba tubbuku, kuvozya tusila twa mipailo na makkadi aa musyobo uuli onse, na kujanina zipo zili zyoonse, ezyo zitazumizidwe a mbungano eyi na mweembeli wayo. Bala cita eeci kubweendelezi bwa kulicengezya kwa bubeji, alimwi taba pedwe kucita boobo.]

[“Catatu. Eyi mbungano taitumi bakutausi bali boonse ku masena kunze lya mweembeli wayo, Muf. William Branham, kupanga miswangano ku masena aali onse.]

[“I twaambo twa mizeezo iisoolokede tutobelana boobu:]

[“Ca kaletwa kuzibwa kuli ndiswe kuti bakutausi balaunka ku cisi coonse akunjila luswaanano lumbi, ka baamba kuti babeleka aandiswe, alimwi batumwe ku masena a mbungano eyi kuti bapange miswaangano eyi.]

[“Ca kaletwa akwalo kuzibwa kuli ndiswe kuti bantu balemba makkadi a tubbuku, kutuma tusila twa mipailo ku masena a zimwi zimbi, mbuli kuti bakazumizigwa kucita boobo kwiinda ku mbungano eyi a mweembeli wayo, eco citali bwini. Ku yolumbwa ikuti na uyoziyba mbungano kujatikizya kufumbwa muntu uujanwa kucita eci.]

[“Eyi mizeezo iisoolokede yakabalwa a kuzumizigwa a mweembeli Muf. William Branham, mweembeli uubeleka aamwi Muf. Orman Neville, a nkamu ya basyomesi a badaikona.”]

[Mukwesu Neville mpawo waamba, “Akube kuti Mwami amulongezye.” Mu kuswaangana kwa ku mangolezya, 65-0801E, Mukwesu Branham wambaula ku mbungano nzila nkamu ya mbungano mboya kabamba mizeezo eeyi. Kabeela katakwe cintu aa teepu.]

Zintu zilakonzeka, syoma buyo;
 Syoma buyo, syoma buyo,
 Zintu zyoonse zilakonzeka, buyo . . .

Atu kotamike mitwe yesu.

Oyandwa Taata wakujulu, tuli lumbide cifumo cino kuti inga twa syoma. Ca kabambwa kukonzeka kwiinda ku kutilwa kwa Bulowa bwa Mwana Wako, Jesu, kuteeti inga twaba basizyaabilo ba luzyalo Lwakwe; a kuba bana balombe a basimbi ba Leza, kwiinda ku kuswiilila Kwakwe ku lufu aa ciingano, aku lulamikwa kwiinda ku kusyoma aali Nguwe a bubuke Bwakwe, alimwi eno Muuya Uusalala wakatilwa cakupaya mu myoyo yesu.

² Tuli lumbide ku ciindi eci ceelede ca kuboola kuno cifumo eci kuzoabana mizeezo yesu a ku komba kwesu, milimo yakutondezya kwiinda mu nyimbo, bumboni, kubala kwa Ntembauzyo, a kubala kwa Ijwi Lyakwe, a kulindila cakusinizya ku Muuya Uusalala kuti utukambaukile Mulumbe uusalidwe wa oora eeli. Ko cipa, Mwami. Akube kuti tu jane lugwasyo kwiinda mukuba kuno sunu. Elyo cindi twa siya buyake obu, akube kuti twaambe mbuli baabo bakali kuzwa ku Emau, “Sena myoyo yesu tiyapya muli ndiswe ciindi mbuli Mbwali kwaamba kuli ndiswe cifumo eci?” Kopa zintu eezi, o Leza Uutamani, mu Zina lya Jesu Kristo. Amen.

Amu kkale.

³ Mwabuka, beenzuma, kuno, ku busena bunu mu cikombelo a ku beenzuma ku masena koonse ku cisi, kuyabuya koonse kuzwa ku Nkomwe ya Kumbo, alubo cifumo cino, kuya ku Nkomwe ya Kujwe, a kunyika a ku musanza, ku zibelesyo zyakukwabana zya matelefooni.

⁴ I mbuzuba bubotu kuno mu Indiana, bubotu maningi, aniini, kutandila kuba a makumbi, akutontola. Cikombelo cilizwide, aanze mu lubuwa a koonse ku bulambo. Tuli kubweendelezi bwa bulangizi bupati bwa Mwami kutuswaya sunu. Alimwi tula syoma kuti Leza wamupa buzuba bubotu kufumbwa ku busena nko mubede. Nkabela mbuzuba bubotu, nkambo Mwami wabupa. Takukwe makani obo bube bwaciindi mbo bubede, mbuzuba bubotu. Tuli kkomene kuba kuno, cikkomene kuti tujisi ciindi ceelede ca kutondezya

ku nyika lusyomo lwesu muli Jesu Kristo. Alimwi tu yanda kubelesya ciindi coonse ceelede kuti inga twapa kutondezya kwesu kwa luyando Lwakwe a eco Nca tu citila. Sunu tuli . . .

⁵ Nda pegwa, kaindi kaniini kainda, i–i kwaambilizya kwakucita, alimwi mpawo Nda jisi zintu zisyoonto kuno nze Ndi yanda kwaamba. Elyo umwi wabo, kwaambilizya ikwapegwa kuli ndime kujatikizya muswaangano wa nkamu busiku bwainda. Nkabela kuli daikona umwi kuzwa ku mbungano oyo wakajana cilawo ca kukkala mu Arizona, uuli Mukwesu Collins, mukwesu wesu ulemekwa. Elyo kuciindi natak, balo, bankamu, basala Mukwesu Charlie Cox mu mulao kubweza busena bwakwe kuciindi natak. Elyo Mukwesu Charlie Cox uli salidwe mu mulao aa basyomesi . . . na nkamu ya badaikona ba mbungano eyi, kubweza mulimo wa Mukwesu Collins, mucuindi natak.

⁶ Elyo cintu nce Ndi yanda kwaamba, alubo, Ndi yanda kulumba ndinywe no bantu nyoonse, nkambo nobamwi antela mulainka ku ng’anda kakutanaba muswangano wa kuponesegwa sunu masiku, ku zipo zibotu ziniini, zilumbo. Cakulya cinji caletwa kuli ndiswe kuzwa ciindi no twali kuno. Alimwi kuzwa ku mukaintu wangu a Ndime, a mukwasyi wangu, twa cilumba ncobeni. Ziindi zimwi Ndi laluba akwalo kwaamba cintu cili coonse kujatikizya ncico. Kuli pakasizye maningi, nywebo mulizi. Mizeezo yangu ilapenga boobo ciindi coonse. Inga mwa yeezezya obo mbocibede, ca bantu, kutali buyo kuzwa kuno ku cikombelo eci, pele kuzwa ku nyika yoonse. Mwabona? Alimwi cibe ci ndibamba mu kupengana ciindi coonse.

⁷ Muntu umwi wali kwaamba kujatikizya kutuula bavwanda, a milimo ya lubapatizyo, a zimwi zimbi. Eco cili kabotu loko. Lombozya kuti inga Nda cicita, pele cila nyonganya maningi, Ta–Ta jisi ciindi cikubwene. Nde elede kubikka mizeezo yangu ncobeni aali oyu, Mulumbe oyu. Nywebo mulizi Bbaibbele lya kaamba ku baapostolo, na . . . I baapostolo, mubwini, mu Bbaibbele, kati, “Kamuya, mukali yandawide lwanu, aakati kanu, baalumi ba mpuwo mbotu, a basyomeka a bazwidwe Muuya Uusalala, kutegwa balanganye makani aya.” Elyo Nda mbila Billy . . .

Wa kati, “Uyo tuula muvwanda ciindi eci, taata?”

Nda kati, “Oh, ma!” Mwabona? Ikuti . . . Tu jisi banji babo balindila ku tuulwa, nkabela eco cili kabotu, Njo elela kujoka a kubweza buzuba busale bwa kutuula kwa bavwanda. Aboobo Ndi yanda kucita eco, eno.

⁸ Pele tu yanda kulumba umwi aumwi wanu kuzwa ku myoyo yesu; mukaintu, Mebo, a mukwasyi wesu. I bantu bala tuletela zyakulya zya mu magabba, bunyangu butete butubatuba, banamunywa, masokoli, oh, mumbu. Kufumbwa cintu cikonzya kuyeezegwa, bala cileta.

⁹ I mukwesu muyandisi a mucizi wakwe, buzuba bumwi, baka tuletela kkalukuni lipati. Ndi cililya. Alimwi aboobo buyo. . . Oh, elyo Ndiyo limana ka Ndi tana unka, Nda yeeyela. Aboobo ikuti na Nda ndiciti, uyo litolelelzya a ndiswe ncobeni. Elyo aboobo—aboobo tuyo. . . Tuli basikulumba ncobeni ku zintu eezi. Ndi lizyi bunji bwanu no bantu; bamwi babo ta Ndi bazi. Ba nokkede mu kkota cindi twa njila. Alimwi aboobo Nda cilumba ncobeni.

Elyo banji Ndi bazi. Ndi jisi. . . Nda bona banji, alimwi kuli banji abo mbe Ndi taboni. Ndi—Ndili masimpe kuti bantu boonse bala mvwisy a kuti Nda—Nda yanda kusika kuli umwi aumwi kuti na Nda konzya, pele Ndili buyo omwe. Mwabona? Ku. . . Ta ndikonzyi kusika ku bantu boonse. Ndila cita zintu zyoonse nze Ndi zyi nzila yaku zicita.

¹⁰ Aboobo, Leza abe a ndinywe. Ndili masimpe kuti kuli Umwi oyo uyooba andinywe; oyo ngu Jesu Kristo, alimwi Ula konzya kuba. Ngo Muntu alikke oyo uulikoonse. Alimwi Uli jisi akwalo nguzuzoonse, aboobo Ula konzya kumupa kubula kwanu koonse. Alimwi, ulizizyoonse, akwalo ulizi kubula kwanu, eezyo nzyo mubula.

¹¹ Nda lailila bantu boonse kuti ta Ndi. . . Nda li kujana buyo cakufwaambana mbuli mbo Nda likukonzya, akwalo kuzwa ciindi ni Nda li kuno cifumo, elyo Njo jana bantu boonse abo mbe Ndi konzya. Elyo ikuti. . . Oyo ngo Nda tabona, Leza uwijsi nguzuzoonse uyo—uyo mupa kubula kwanu koonse kweendelana aa buvubi Bwakwe mu Bulemu.

¹² [Mukwesu Branham waleka aniini, mpawo wakanana ku Mukwesu Neville—Mul.] Nsi konzya kubala eco ambebo. Sena ula cibala?

Nkwaambilizya kusalesale kwa musyobo umwi. Elyo Ndi yeeya kuti Billy Paul weelede kuti wa cilemba. Aboobo uli mbuli ndime; Ta ndi konzyi kubala bulembo bwangu bwini. Elyo aboobo Ndi jisi kulemba koonse kwangu ndemwini. Elyo ikuti na mwasola kubona zibalo zyangu kuno, zilembedwe awa kuno, mu yeeya kuti inga mwasola kucimvwisy a eco? [Mukwesu Branham watondezya cibalo cakwe cilembedwe ku mbunga, elyo waseka ambabo—Mul.] Ndi jisi cibaanga ni nyenyeezi, kuzabuka cizabukilo, a zintu zimbi, zyoonse buyo. . .

[Mukwesu Neville wabala kwaambilizya—Mul.]

Mukwesu Adair, Adair waku Arkansas, kubona Muf. Pearry Green kusule lya cikombelo cakufwambaana. Ncibotu.

¹³ Lino, aboobo cintu cimbi eco nce Ndi yanda—yanda kwaambilizya kuno i—i kuti, eci sunu masiku eno ca miswanganano ya kuponesegwa. Tuyo kombela baciswa sunu masiku, alimwi elyo aboobo Nda—Nda syoma kuti muyooba kuno.

14 Elyo twa tuma injuzyo ku bantu boonse ku masena oonse aa cisi, mu Zina Iya Jesu Kristo, cakuti Leza uyo mulongezya cifumo cino. No bamwi mutandila kuya ku sikati. Kutala mu New York, litandila kuba ciindi ca sikati. Alimwi ku busena mu Arizona, Nkomwe ya Kumbo, citandila buyo kuba seveni okkuloko. Aboobo kuli. . . Elyo mpaawa tuli aakati ncoben. Aboobo Leza amu longezye mbuli mbo mu swiilila. Lino eci ndiza caba. . .

Nda cibikka ku moyo wangu, kuciindi neli kuno. . .

15 Elyo titwaka zumizigwa kuba a mayake mapati, elyo ku mamano ba kabaanga ba tupa kuzumizigwa; inga twaba a muswangana ciindi comwe, pele ta tweelede kukombela mulwazi uuli oonse. Ta—Ta ndi. . . Oyo ngo mulimo wangu. Nde elede kucita eco Muuya Uusalala ncowa ndaambila kucita. Aboobo Nda—Nda kacikaka, nkaambo kakuti Ndi yanda kuba ku lwaanguwko loko kucita kufumbwa cintu Muuya Uusalala ncowamba kucita. Mwabona? Aboobo Nda kayeeya kuti inga twa lekela buzuba bomwe bumbi, nekuba, mu cikombelo. Elyo kula tontola cifumo cino. I Mwami wabamba buyo buzuba bubotu kuli ndiswe kuno, aboobo tuli lumbide.

16 Lino, mu kucita eci, Nda boola kuno ku bukanze bwa ku yiisya Mitiba ya mamano, Mitiba ya mamano iili Ciloba, a Myeembo ya mamano iili Ciloba, a Mizuzumo ya mamano iili Ciloba, ya Bbuku Iya Ciyubunuzyo, mu lumvwano mu oora eli eelyo ndyo tuponena; kutobela kujulwa kwa Zinatizyo zili Ciloba, Makkalo aa Mbungano aali Ciloba. Aboobo, inga twa jana busena bwa kucicitila. Aboobo Nda—Nda syoma kuti, cakufwambaana mbuli Mbwe konzya, tuyo. . . inga twa jana busena bukkwana eco, naa kuno na mu Louisville, New Albany, na kuyaka tente, aboobo inga twa kkala buyo kufumbwa kuti Mwami wa tusololela kucita.

17 Pele muli eci eno, Nda bweza ciindi eci ceelede kutondezya ku bantu bangu buzumini a lusyomo lwangu muli Leza, elyo mpawo kumuleta ku oora elyo ndyo tupona mo. Elyo kwiinda kuli eci, taci salidwe ku muntu umwi uuli oonse, tunsiyansiya, kufumbwa mbo cikonzya kuba; cili buyo mbuli mbo Nda bona Ijwi Iya Leza. Elyo Munsono yainda twa kajisi kupoomoka kubotu loko kwa Muuya aa Ijwi. Cakali cilamfu loko, nkabela Nda kabijilwa kukkala ciindi eco cilamfu; pele nekubaboobo ta tuzi eco ciindi nco tuyo swaangana kwa ciindi ca mamano. Elyo tu leelede, mbuli. . . yanda kuba. Ndi yanda kuba, mubwini, mbuli Paulo mbwa kaamba wakaindi, “Tii ndasisa ku mutondezya Luyando loonse Iwa Leza.” Jesu wakati kwiina Nca akasisa kuli basikwiya Bakwe.

Elyo mbuli Ndime, kupakasya loko mukusola kukkala kubweendelezi bwa bunanike bwa Muuya Uusalala, kujana eco i—i oora, Mulumbe wa cindi mboubede, Nda kacilwa ziindi zimwi kuya ku masena a kucita milimo yangu mbuli mulanda

wa Kristo, mbuli mukutausi. Pele Ndi jisi baalumi banji abo basola ku ndigwasya kucita eci, kuli eco Ndili lumbide, boonse bakwesu bangu bakutausi.

¹⁸ Lino, Ta ndaambi kusola kumusya bantu. Ikuti nywebo, ku masena mu cisi oko Mulumbe nkounka, konzya kwiima a kulanga koonse mu mbungano eyi cifumo cino, mwakwiinda, mu twaanda twa bana, aanze, maredio aajulidwe, mu mabbaasi, myootokala ya kukkalila, a zimwi zimbi, a mu myootokala, inga mwabona penzi mbolibede. Elyo mpawo kuswaangana kumwi akumwi, banji, banji ka baleya amyootokala; kabaita, a zimwi zimbi, ta bakonzyi kunjila na koonse. Elyo tu yandika busena bupati kutegwa bantu bakonzye ku kkala a kulikwaya.

Elyo mpawo kuleta cintu muciiimo ku—ku Mulumbe oyo ngo Ndi yeeya kuba uuyandika maningi, Ndili mvwa kuti tweekede kucita, umwi aumwi wesu, kulikwaya a ku kkala, alimwi kutegwa twa swiilila; a mapenso a mapepa eesu, a bulembo a Bbaibbele, a zimwi zimbi, kulemba aa mapepa i—i bulembo. Pele nzila eyi Nda yeeya kuti inga Nda joka aa ciindi eco nco tujisi, nco tupona mo, a kusola kuleta zimwi zintu eezi nzo muyo swaangana. Elyo muyo ziyanda.

¹⁹ Ikuti na Nda boola kuno sunu, na kufumbwa buzuba bumbi, na kufumbwa mukutausi umbi, kusola kuleta mulumbe ku bantu, bantu bali mukufwa mbuli ndiswe mbo tubede, a ciindi afwaafwi loko kucitika, mbuli mbo Ndi syoma ku buzuba bunu; inga Nda ba sikuupaupa kusola kuleta cintu cimwi eco nce Ndi zyi kuti inga muyo botelwa aco alimwi cinga calwana Ijwi lya Leza, na cintu cimwi kukwela nkamu ya bantu, na—na cintu cimwi mbuli obo; Inga—Inga teendaba. . . Inga teendaba eco nce Ndili—Ndili ano kuba, mukutausi wa Kristo. Ndi yanda kuleta cintu cimwi eco nce Ndi yeeya kuti nca lugwasyo lupati kuli ndinywe, kutali biyo kubonwa; pele ku yeeya ncintu cimwi eco ikuti na Nda fwa sunu, juunza ciyo jatilila mu myoyo yanu kuzumanana kubelekela Leza.

²⁰ Lino Ndi yanda kwaamba kuti kuli cintu cimwi cili aafwi buyo kucitika. Ndi cizyi. Bunji bwanu kuno mula yeeya Mukwesu Junior Jackson na kaboola kuli ndime aaniini kakutanaba kuya ku Arizona, ca ciloto nca kajisi. Cintu ceenzu! Mbangaye bayeeya eco? [Mbunga yaamba, “Ameni.”—Mul.] Nkabela Mwami wakatupa bupanduluzi, alimwi cakacitika kweendelana kubube boonse. Lino, wa kajisi ciloto cimbi, cintu cimwi.

²¹ Elyo cintu ceenzu, mwaalumi wakali kuno buzuba bumwi, kuzwa ku Oregon. Ta ndizi nokuceya pe, elyo wakali. . . kalota ciloto nciconya, eco Junior Jackson nca kalota, alimwi—alimwi kaboola ku ndaambila. Ta—Ta ndizyi bupanduluzi; Ndi lindila Mwami. Pele Ndi lizyi kuti ciyooba cintu cimwi kuzwa kuli Leza. Amuyeeye buyo eco. Ngu MBUBOBU MBWAAMBA

I MWAMI. Ngu cintu cimwi cizwa kuli Leza. Ta ndiziyi kuti na ncinzi. Cilabotelezya ncobeni, cilabotelezya maningi! Mukusyomeka, kweendelana ku i—i ziloto ezyo baalumi bobile. . . Umwi wabo inga Nda. . . antela ngwa Baptisti, muna Presbyteria. Walo—walo antela uli kkede awa cifumo cino. Ta ndizi. Wa kali kuno buzuba bumwi. Ta ndimuzi mwaalumi.

²² Pele wa kaamba ciloto, a misozi mu meso aakwe. Alimwi caka muzungaanya. Wa kaboola lweendo loonse kuzwa ku Oregon kuboola kuno, kuti azocipandulule. Mukwesu Jackson wa boola mu cianza nciconya, cifumo cino. Mwaalumi umwi katazi umwi; umwi, mamaile aali zyuulu kuzwa kuli umbi; nkabela ziloto zybile kazikozyenye buyo aa cintu nciconya. Aboobo Muuya Uusalala uli siside bupanduluzi bwa mbubo kuli ndime. Ta ndizi ca kwaambila mwaalumi. Pele Ndi liziyi kuti Leza ulaafwi kucita cintu cimwi, alimwi ciyooba cabulemu mu meso esu.

²³ Lino, Mulumbe cifumo cino, Ndi yanda kubala kuzwa ku Bbuku lya ba Galatiya. Ta ndikambauki na buyo. . . Ngu ciiyo ca kwiiya Musondo. Elyo eno, nywebo no baalumi a banakazi abo baimvwi kumbali lya bwaanda, elyo na muntu umwi uyanda kusintana a kukulekela ku kkala aa cuuno kwa kaindi kaniini, na cintu cimwi, eno, tamuko ndinyonganya; amube buyo mu ciimo ca bulemu. Elyo ikuti na bamatumbu, bana babo baniini balila na cintu cimwi, muntu umwi uyoozwa ku kaanda ka bana kutegwa kwaba busena bwa mwana muniini.

²⁴ Elyo eno kobweza penso yako, Bbaibbele, a kulibambila kulemba aa pepa Magwalo amwi ayo nge tuyo bala. Ta ndi yandi kuti mulimvwe kwaangwa kumaninide. Ndi yanda kuti mulimvwe—Ndi yanda kuti mulimvwe kwaanguluka kukkala a kubala. Elyo inga wakazya, eco cili kabotu. Pele Ndi kanana buyo eci ku cisi coonse cifumo, kutegwa bantu abo basyoma Mulumbe oyo Mwami Jesu ngwaka ndipa wa oora eeli, konzye kuziba eco cicitika, a ku cibikka mu Lugwalo.

²⁵ Munsondo yainda twaka kanana aa *I Bantu Bananikidwe Mu Buzuba Bwa Mamanino*. Alimwi ikuti nywebo, kufumbwa umwi wanu, bali mbasikuswiilila ku mateepu, amube masimpe kujana teepu eyo. Kutali kuti tu yanda kusambala mateepu; oyo tauli muzeezo. Ngu muzeezo wa kumwaya Mulumbe. Mwabona? Mwabona? Ikuti na ujisi muncini wa mateepu, kojana nkamu ya bantu antoomwe, a kwiilizya, a kuswiilila kabotu. “I bantu bananikidwe.”

²⁶ Muvo mvwa bantu kababuka a kuti, “Oh, Bbaibbele lya kati, ‘I mazuba aa mamanino, basinsimi bayo buka a kucita zitondezyo ezi.’” Olo Ndugwalo ncobeni. Elyo mpali eco mpo ceelede? Ci leelede kubikkwa kabotu.

Sunu masiku Ndi yanda ku kanana, ikuti na Mwami wayanda, aa: *Leza Wakayubununwa Mu Ijwi Lyakwe Mwini,*

obo kuti liso mboli takonzyi kubikkwa awo kutwi mpo kweelede kuba. Mwabona? Mbuli biyo kulemba Bbaibbele lyoonse, alimwi, mu Bbaibbele lyoonse, citondeezya Jesu Kristo. Aboobo Ndi yanda ku kambauka aali eco sunu masiku, Mwami na wayanda. Elyo eno, ikuti pe, ku buzuba bumwi buciza.

²⁷ Lino mu Bbuku lya ba Galatiya. Alimwi mu Bbuku lya Babili ba Korinto 4:1 kusika ku 6, mpawo ba Galatiya 1:1 kusika ku 4, Ndi yanda kubala Lugwalo lumwi. Lino mu ba Galatiya 1:1 kusika ku 4, “Paulo, muapostolo,” amulangilile kwiima nkoonya caku fwambaana. *Muapostolo* caamba “muntu uutumidwe,” na, “missionari.”

Paulo, muapostolo, (tee bwakazwa ku bantu, teenda kabikkwa ku maanza aa bantu, pele . . . Jesu Kristo, a Leza Taata, oyo waka mubusya kuzwa ku bafu;)

Elyo boonse bakwesu bali aandime, ku mabungano aba Galatiya:

Luzyalo lube kuli ndinywe a lumuno kuzwa kuli Leza Taata wesu, a kuzwa ku Mwami Jesu Kristo,

Oyo wakalyaaba lwakwe nkamboka zibi zyesu, kuti akonzye kutusalulula kuzwa ku bubi bwa nyika eyi ya sunu, kweendelana a luyando lwa Leza . . . Taata wesu:

Kuli nguwe akube bulemu kwa lyonse a lyonse. Amenii.

²⁸ Lino mu Bbuku lya ba Korinto Babili, capita 4, elyo tula bala kuzwa ku 1 kusika ku 6, katumpango.

Aboobo mukubona kuti tu jisi mulimo oyu, mbuli mbo twa katambula lweetelelo, ta tulengaali;

Pele twa kasowa zintu zisisidwe zyuusya bweeme, ku teenda mu bupyungi pe, nikuba kutabisya ijwi lya Leza mu nzila ya lweeno pe; pele kwiinda mukuyubunuka kwa bwini lubulula lwesu ku manjezeezya aa bantu boonse mu meso aa Leza.

Pele ikuti makani esu mabotu kaavumbidwe, ali vumbidwe kuli baabo abo basweekede:

Ikuti eco tacinjizyi kukanzwa, Ta ndizi eco ncecicita.

Muli ako kaleza ka nyika eyi ika boofwaazya mizeezo ya baabo abo tabasyomi, kuti batapaswidwi mumuni wa makani mabotu aa bulemu bwa Kristo, oyo uli ncinkozya ca Leza, kuti umunike kuli mbabo.

Mbubonya mbo cakabede ku muunda wa Edeni, “Ku batanda, kucita kuti bata gumi Musamu oyo.”

Nkambo ta tuli kambauki tobeni, pele Kristo Jesu i Mwami: . . . swebo tuli bazike banu nkambo ka Kristo.

Nkambo Leza, oyo wakalailila mumuni kumweka kuzwa mu mudima, wamunika mu myoyo yesu, a kupa mumuni wa luzibo lwa bulemu bwa Leza mu busyu bwa Jesu Kristo.

²⁹ Ameni! Aboobo mbo lyaamba Ijwi! Lino, cibalo cangu cifumo cino, ngu: *I Kaleza Ka Bukkalo Obu Bubi*. Mbuli mbo twa bala mu Magwalo, “i kaleza ka nyika eyi, bukkalo obu bubi.” Lino, oyu Mulumbe ulazibya zibi zya bukkalo obu bubi, alimwi cilelela ku cisinsime ca bukkalo obu bubi.

Elyo nkusyoma kwangu kuti zyoonse . . .kuti Bbaibbele lili jisi bwiinguzi boonse bwa makkalo oonse, bulembedwe kale mu Bbaibbele, bwa musyomi wa bukkalo obo. Nda syoma kuti zyoonse zintu zilembedwe ezyo nzyo tubulide zili lembedwe mpoonya *Awa*, yandika buyo kupandululwa ku Muuya Uusalala. Ta ndisyomi kuti muntu uuli oonse aa nyika kuti uli jisi nguzu kubikka bupanduluzi bwakwe mwini ku Ijwi. Leza tayandi muntu uuli oonse kupandulula Ijwi Lyakwe. Ngo mupanduluzi Lwakwe Mwini. Wa kati Uyo cicita, alimwi Ula cicita.

³⁰ Mbuli mbo Nda kaamba ziindi zinji. Wa kati, “I musimbi uyo mita,” Wa kambaula eco kwiinda mu milomo ya musinsimi, elyo waa kacita. Taakwe muntu weelede kupandulula eco. Ku matalikilo, Wa kati, “A kube mumuni,” nkabela wakaba. Taakwe muntu weelede ku Ci pandulula. Wa kati, “Ku mamanino aaku mazuba, Uyo tila Muuya Wakwe aa bantu boonse,” nkabela Wa kacita. Ta ciyandiki muntu ku Ci pandulula. Wa kati, “Ku mamanino aa mazuba, ezi zintu” (ezyo nzyo tubona kazicitika eno) “ziyooba kuno.” Ta ciyandiki kupandulula kuli koonse. Wa kacipandulula kale. Mwabona?

³¹ Lino, amubone kabotu lino mbuli mbo twiuya Ijwi. *I Kaleza Ka Bukkalo Obu Bubi*, obo mbo tupona lino. Inga caboneka ceenzu, cintu ceenzu maningi, mu bukkalo obu bwa luzyalo, cindi, “Leza uli mukubweza bantu nkambo ka Zina Lyakwe,” oyo ngu Nabwiinga Wakwe, mu bukkalo obu bubi obo bweelede kwiitwa kuti bukkalo bubi. I bukkalo mbubonya obo “Leza mbwali mukwiita bantu nkambo ka Zina Lyakwe,” kwiinda ku luzyalo, kuzwa, elyo bwiitwa kuteeti bukkalo bubi. Lino, tula todezya ku Bbaibbele kuti obo mbukkaloo obo Mbwa kali kwaamba. Cintu ceenzu maningi ku yeeya eco, kuti mu bukkalo bubi mbuli obu, kuti Leza mpawo uyo iita Nabwiinga Wakwe.

³² Nywebo mwabona, Wa kati, “i bantu,” kutali “i mbungano.” Nkamboonzi? Nekubaboobo, Ila itwa kuteeti Mbungano, pele Uyo iita kuti “i bantu.” Lino, i mbungano nkubungana kwa bantu banji ba bubambe boonse bwaandeene. Pele Leza wiita yomwe awa. . .Ta kaamba kuti, “Njo iita Methodisti, Baptisti, Pentekoste.” Wa kati Uyo iita i bantu. Ku kaambo nzi? Zina Lyakwe. Mwabona, i bantu; omwe kuzwa ku Methodisti, omwe kuzwa ku Baptisti, omwe kuzwa ku bana Luthar, omwe kuzwa ku Katolika. Mwabona?

Pele Uli mukwiita, kutali nkamu ya mbungano, pele “i bantu nkambo ka Zina Lyakwe,” abo batambula Zina Lyakwe, batangidwe mu Zina Lyakwe, kabaya ku mucado kuyo kwatwa

kuli Nguwe, kuba cibeela Cakwe, mwabona, kwiinda ku kukanzwa. Mbuli buyo mwaalumi oyo uusala mukaintu weelede mu buumi, wakasalwa kuba cibeela ca mubili wakwe. Aboobo, nkokuti, Nabwiinga wa Kristo mbwa yooba, alimwi mbwabede lino, kuzwa kaindi, wakasalwa aa Leza kuba cibeela ca Mubili oyo. Mwabona? Oh, Magwalo ali vubide loko, azwide buci!

³³ Amuzibe, kutali eco muntu umwi ncazwaa kwaamba, eco muntu umwi nca kaita; pele eco Leza nca kasala kakutanaba ntalisyo ya nyika, alimwi ulaita abo bantu ku mazuba aa mamanino; kutali kabunga. “I bantu nkambo ka Zina Lyakwe.” Elyo mu bukkalo obu Nali mukucicita, bukkalo obu mbubonya bwa lucengo.

³⁴ Imvwiki yainda, muli Matayo 24, bwakali bukkalo bwa lucengo maningi bwa makkalo oonse. Makkalo oonse aa lweeno, kuzwa ku muunda wa Edeni, kuyabuya ku masimpilo, takunaba bukkalo bwa lweeno loko mbuli bukkalo obu. “Basinsimi babeji bayo buka a kutondezya zitondezyo a zigambyo, ikuti na kulakonzeka ku kweene mbabonya Basale.” Mwabona? Lino, mabungano aa tulengwa, nzila zyabuyumu, aatontola, a zimwi zimbi, lwiyo lwa zyabukombi lwakabambwa aa bantu, eco tacikaciti; Basale taba kabikkili maanu kuli eco. Pele cili abusena awo kutandila mbuli cintu cini. Kusiya buyo Ijwi lyomwe nku koonse nko mweelede kucita. Kasyomezegwa ca bukkalo; nciconya ciindi cipati! Banakristo, masena oonse, amucenjele ku oora ndyo tupona! Amucilembe aa mapepa, a kubala, alimwi amuswiilile kabotu.

³⁵ Ino ncinzi Leza ncanga waita bantu kuzwa ku bukkalo obu bubu, Zina Lyakwe? I kaambo mbo kabede, nku Mu soleka, Nabwiinga Wakwe. Ngu ku... Cindi Na yubununwa, ka solekwa, katondezegwa, katondezegwa kuli Saatani. Mbuli mbo cakabede ku matalikilo, mbubonya mbo ciyakuba ku mamanino.

³⁶ Mbuli mbuto mbo italika mu bulongo, ila mena kwiinda mu ziyumuzyo, buumi bwayo, pele ilagola mu mbuto njiyonya eyo mbo yakabede cindi niya kanjila mu bulongo.

Elyo nzila njiyonya mbuto ya lweeno yakawida mu bulongo, mu Edeni, ni nzila njiyonya ilagola mu mazuba aa mamanino.

Mbuli buyo Makani mabotu mbwa kabede cindi na kawida ku kabungwe ku Nicaea, Rome, akagolela mu kabunga kalemu.

Mbuli buyo Mbuto ya Mbungano yakawa kaindi kuya, a zitondezyo, zigambyo, a Kristo muumi aakati kabo, ilagolela mu mazuba aa mamanino kubwendelezi bwa mulimo wa Malaki 4, a kuboozya Lusyomo lutaanzi olo lwaka pedwe kale.

³⁷ Tu jana kuti eno, obu bukkalo bubu bweelede kutondezya, kuli Saatani, Tali mbuli Eva, elyo Tali musyobo oyo wa

mwanakazi. Nkabela Uyo solekwa ku Ijwi Lyakwe, i Nabwiinga, mbuli nabwiinga wa Adamu mbwa kasolekwa ku Ijwi. Nkabela nabwiinga wa Adamu wakasyoma kabeela konse ka Ijwi, koonse, pele kanyongana ku cisyomezyo comwe, kuti, “Ngu mbobuca nguwenya, sunu, amuya myaaka,” sunu, mwabona; pele waka kakilwa aa cisyomezyo comwe, kubweendelezi bwa sunko lya sinkondo, ku busyu a busyu. Elyo eno, i bantu abo bakaitwa nkambo ka Zina Lyakwe, mu bwini, ngu Nabwiinga Wakwe. We elede kuboola mu luswaanano alimwi kwiinda ku cintu nciconya; kutali kwiinda buyo ku bwini bwakabungwe na cintu cimwi, pele Ijwi lyoonse!

³⁸ Nkambo, ku matalikilo aa Bbaibbele, muntu wakapegwa Ijwi lya Leza kuponena kuli ndilyo. Ijwi lyomwe, lyaka tapandululwa kabotu kwiinda i—i ku muntu uutegwa Saatani, mu ciimo ca muntu wa munyama uutegwa nzoka. Saatani, mu muntu oyu, wali kukonzya kwaambaula kuli Eva, nkabela waka pandulula buteensi Ijwi kuli nguwe, nkabela wakasweeka. Mwabona, Lyeelede kuba Ijwi lyoonse.

³⁹ Aakati ka Bbaibbele, Jesu wakaboola a kwaamba, “Muntu takaponeni ku cinkwa cilikke, pele ku Ijwi lyoonse,” cindi Na kasunkwa aa Saatani.

Lino, Leza ka twaambila awa mu mazuba aa mamanino, kuti, “I kaleza ka nyika eyi kayo buka mu mazuba aa mamanino.”

“Elyo kufumbwa muntu uyo yungizya ijwi lyomwe kuli Ndilyo, na kugwisya Ijwi lyomwe kuzwa kuli Ndilyo, cibeela cakwe ciyo gwisigwa ku Bbuku lya Buumi.”

Leza koba siluse kuli ndiswe! Elyo ta tulekeli kweenda mbuli basimizeezo batulengwa tuyumu, zyamba ziidukumene, mitwe iinongomene, ku cizyiba coonse, nkambo a ndiswe ciindi cimwi twakali mu kutaswiilila. Ko tulekela a luzyalo, a luse, a kumvwa mu myoyo yesu kuli Leza, cabubombe kuboola ku Cuuno ca luzyalo.

⁴⁰ Nceenzu lino, kumane myaka imwi iili myaanda ya fuka aili fuka ya Makani mabotu kukambauka, elyo eno walo, eco nciyanza ca nyika, nkubi loko kwiinda mu mazuba cindi eco, cindi Na kali waano. I cianza ca nyika ncibyaabi kapati. I nyika iya ku kaambo kalemu ikapati. Nywebo mulizi eco. I Mwami uli mukuzulizya Ijwi Lyakwe ku masena oonse.

⁴¹ Ijilo, kandiimvwi...Nda syoma mulombe muniini ta... Ta kocita. Nda kaboola a mukaintu wangu, elyo Muka. Wood, Mukwesu Roy Roberson, abusena bumwi awa, Mukwesu Wood, twa kaima mukati awa ku Busena bwa Kusambalila buniini ibwa Youngstown, kuula i—i pakete eelyo Mucizi Wood ndya kajisi. Elyo aa...kuciindi no twa kaimvwi awo, mulombwana mukubusi wa keenda kumbele a kulizibya, nkabela mweenzu kuli ndime. Mwaaalumi uumbi mukubusyi

wa keenda kumbele a kwaamba kuti bakali kuzwa ku Alabama, Georg-. . . Nda syoma Georgia, nkaambo Nda babuzya ikuti na bakali muzi Mukwesu wesu Welch Evans. Nkabela twa kaambaula kwa maminiti masyoonto. Elyo cindi ni Nda kaunka kuti nkanyamuke, mwaalumi oyu mukubusyi wakandilanga. Mbuli mulombwana uumbi mukubusyi elyo mulombe wakwe muniini wakeenda wazwa, muntu oyu mukubusyi waka ndilanga. Wa kati, “Cintu comwe buyo nce Ndi yanda kwaamba.”

Nda kati, “Sena—sena uli musyomi? Sena uli Munakristo?”

Kati, “Peepe, munene.” Wa kati, “Nda. . .”

⁴² Inga tii ndabalulula buyo ijwi ndya kaamba awa, pele antela wakali sikudoneeka aniini. Nda kamubuzya kujatikizya zintu zya Angelo wa Mwami kulibonya. Elyo wa kati wakamvwa kujatikizya ncico, pele tana bede ku cikombelo, cikombelo eci. Nda kati, “Sena ula Ci syoma?”

Kati, “Iiyi, munene.” Wa kati, “Nda—Nda kali kulangilila cintu cimwi.” Kati, “Bantu bali ku ndaambila kujatikizya ziciza ezi a zintu, alimwi Nda kamvwa aa teepu kuti wakaamba kumbele obo California mbo iyookwamuka mbuli obo.” Elyo kati, “Ciindi ni Nda kabona eco mu mutende, mpawo Nda kacisyoma.” Wa kati, “Nda boola sunu na juunza,” nkokuti sunu, “ku ciindi cangu citaanzi.”

Nda kati, “I Mwami aku longezeye, mulombe,” alimwi ndakatalika kusuka janza lyakwe.

Wa kati, “Pele Ndi yanda kwaamba cintu cimwi kuli nduwe, munene.” Wa kati, “Ndili sweekede mbuli kusweeka mbo kunga kwaba.” Wa kati, “Ndili mbuli kkobili mu cilwi ca musenga, lisweekede!”

⁴³ Nda kati, “Pele yebo tolede kukkala mu ciimo eco. Kuli Muntu umwi wiimvwi uuliko eno Oyo ukonzya ku kujana mukaindi kaniini yebo noli bambilide kujanwa.”

Wa kati, “Ndili libambilide.”

Nda kati, “Sa inga wakotamika mutwe wako?”

Wa kati, “Ta ndifwinsoni.”

Kutali eco buyo, pele wa kafugama a mazwi aakwe, muya mu busena obo bwa kubikkila myootokala, kumbele lya bantu boonse. Bantu mu kagwagwa kaba mulangilide. Mpaawo twa kakomba a nguwe, mane wakapa Leza moyo wakwe. Wa kaboola, kali sizibi; wakajoka, kali mwana wa Leza. Wa keenda kumbele ku lubazu lwa mootokala, ka fwide; elyo wakajoka, kali muumi.

⁴⁴ Nda kati, “I ciziba cinojukide juunza.”

Kuli kasensa kazwide Bulowa,
 Kazwa ku nsinga zya Imanuele,
 Oko basizibi nko badumpukila kungsi lya
 zambangulwe,
 Kusweekelwa twiimba toonse twabo twa
 milandu.

Nda kati, “Kobuka a kubapatizigwa mu Zina lya Jesu Kristo, kwiita ku Zina lya Mwami. Leza uyo kuzuzya Muuya Uusalala, a kupa zintu ezi zipati, a ku kubamba kutegwa ukonzye ku Ci bona.”

⁴⁵ Ino ncinzi? I nyika iya ku kaambo kalemu ikapati. Nkaambonzi? I muuya waciimo cakubula milao yakulilemeka kabotu, kulilemeka kubyaaabi, bukombi bwa sayansi, kwa cisololela ku “ciyobwedo ca bayuni boonse basesemya a batasalali,” mbuli Bbaibbele mbo lyakaamba. Atu cibale, Ciyubunuzyo 18. Kuciindi buyo no tuli mukubamba kaambo keni kutalika, tu bweze Ciyubunuzyo 18:1 kusika ku 5. Ndi yeeya kuti Ndi ceengelede kabotu eco.

Elyo musule lyayaaya zintu ezi Nda kabona angelo uumbi kaseluka kuzwa kujulu, kajisi nguzu zinji; elyo nyika yakamwesegwa aa bulemu bwakwe.

Elyo wakalilisa canguzu a jwi ijumu, (eno nywebo no bantu nomwaka jisi ziloto)...kaamba, Babuloni mupati uli mukuwa, uli mukuwa, alimwi waba cikkalilo ca badyabulosi, a ciyobwedo ca myuuya yoonse mibi,...ciyobwedo ca bayuni boonse basofweede a batasalali.

Nkambo masi oonse ali nywide waini wa bukali bwakwe (cikombelo) bwaamu, nkabela bami ba nyika bacita bwaamu a nguwe, nkabela basambazi ba nyika ba kupuka loko kwiinda ku kulitakaazya kwakwe kupati.

Elyo Nda kamvwa jwi limbi kuzwa kujulu, kalyaamba, Kamuzwa muli nguwe, no bantu bangu, kuti nywebo mutabi basizyaabilo ba zibi zyakwe,... kuti nywebo muta tambuli zipenzyo zyakwe.

Nkambo cibi cakwe ca sika kujulu, elyo Leza wayeeya milandu yakwe.

⁴⁶ Ino nkucenjezegwa! Eco ciwaala mbungano ncobeni kujoka ku Ciyubunuzyo 3:14, ku bukkalo bwa Laodikeya, muciiimo cakubula milao yakulilemeka kabotu; bukombi ncobeni, pele kutalilemeka kabotu. “Yebo, nkambo waamba kuti, “Tuli vubide, taakwe cintu nco tubula,’ tozyi kuti yebo uli cinswe, ulipengede, uliofweede, elyo to cizyi.” Cakulondoka aa Lugwalo lwa bukkalo obu, kutali ku Lugwalo lwa bukkalo bwa Daniele, kutali bwa bantu mu zina lya...bukkalo bwa Nowa, pele mu bukkalo obu, bubu bwa mamananino.

47 Amuzibe awa, “Yebo uli cinswe.” A cimvungwe kabotu kapati eco. Ndi zyi inga Nda ba akutazuminana loko aa muzeezo oyu, pele caboola ku busena cakuti Munakristo takonzyi nokuceya kweenda kuzwa mu ng’anda yakwe a kuta letwa mu busyu bwa bukkalo obu bubu, kwiinda ku banakazi batasamide kumaninina.

48 No banakazi, Ndi laamba eci, nkabela Ndi yanda kuti mu swiilile. Alimwi, no baalumi a banakazi, inga tii mwazuninana ali ceeci, pele Ndili mvwa kusololelwa ku caamba. Sena mwakalizi, kufumbwa mwanakazi oyo uulisamununa mbuli obo takkwene mu mizeezo yakwe? Sena mwakalizi, mbwa bede, nanka ula cisyoma na pe, na kuta yeeya, ngu sikuvuula? Nekubakuti mwanakazi waima a janza lyakwe kumbele lya Leza a kukonka kuti taakagumwa a mwaalumi uuli oonse cita mulumi wakwe, elyo eco inga bwaba bwini ncobeni, pele nekubaboobo ngu sikuvuula. Jesu wa kati, “Kufumbwa muntu uulanga mwanakazi cakumu sukama wacita mamambi anguwe kale.” Elyo mwanakazi inga waba . . .

49 Mwabona, uli “cinswe,” Bbaibbele lya kati, “elyo ta cizyi pe.” I muuya oyo uumunanika kucita zintu zili boobo mubi, muuya wa sikuvuula. Buntu bwakwe bwaanze, mubili wakwe wakunyama, nyama yakwe, inga waba uusalala. Inga taacita mamambi aali oonse, alimwi ulakonzya kukonka kuli Leza a kuba bwini, kuti ta cacita, pele muuya wakwe ngu sikuvuula. Waa kaofwaazigwa maningi a kaleza ka nyika eyi ka ciyanza; waa kalisamika cankwela a kuya abusena awo.

50 I buzuba bumwi, Mukwesu Wood a Ndime twakali kubikka bwaato bwesu mu mulonga. Nda kali kuzwa ku ng’anda kwa maminiti masyoonto, kuya kutala ku mulonga. Elyo kufumbwa busena nko kaunka, banakazi kabasamide tukata otu tuniini twa . . . tutegwa tubbudula twakusambya na cintu cimwi, tuba zambaide. Ayo mause. Mwanakazi takonzyi kukkwana mu mizeezo yakwe a kusama kufumbwa cintu mbuli eco. Unjidwe muuya wa kuvuula. Lino, uyo lulamika eco kuli Leza, mulindu, nkaambo uyo jana buzuba bumwi kuti obo Mbwini.

51 Mbobuti mbonga yebo, o mulindu, kuziba obo mubili wako mbusetekene, a ku tondezya ku busena kuya kuli badyabulosi aba, ba zisusi abo beenda ku tugwagwa twa buzuba bunu? Ikuti bana ba Leza boonse bacili bana ba Leza, mulumi wako wakali mwana wa Leza, inga wakubamba kusama zisani na ku kusiya. Ikuti mulombe wakali mwana wa Leza, inga taa kwata cintu cili boobo. Mwabona?

Yebo waamba, “Uli mukuba- . . .” Peepe.

Ndi kwaambila Bwini, alimwi buzuba bumwi uyo Bu swaana. “Sicinswe, mwanakazi simamambe; ta cizyi.”

52 “Oh, Nda konka kuti kwiina ni Nda sotoka zikonke zya mulumi wangu.” Mulumi wako uyo kubeteka nkambo kancico ikuti wakacicita. Pele Leza uyo kubeteka kwiinda ku musyobo wa muuya ngo jisi muli nduwe; kutali ku kubeteka kwiinda ku mubili wako, pele kwiinda ku muuya wako, muntu oyo wamukati.

53 I muntu waanze ngu buntu bwa kunyama obo bweendelezegwa a magano aali cisambomwe...na magano ali osanwe, mubwini. I muntu wamukati ngu muntu wa muuya oyo weendelezegwa aa magano osanwe; manjezeezya, a luyando, azimwi zimbi. I muntu waanze; kubona, kulabila, kwaampa, kununkizya, kumvwa.

Pele mukati ka muuya ngu buntu, nkabela bweendelezegwa aa cintu comwe, luyando lwakuliyandila. Inga watambula eco dyabulosi ncaamba na kutambula eco Leza ncaamba. Elyo kwalo ziba oyo muuya uuli mukati muya. Ikuti na Muuya wa Leza, Uyoolya ku zintu zya Leza, alimwi Ta ukalyi ku cintu cili coonse ca nyika. Jesu wa kati, “Ikuti na uyanda nyika na zintu zya nyika, ngu kaambo kakuti luyando lwa Leza ta luna akwalo kunjila mu cibeela camukati.” Saatani waka kucenga. “Elyo muntu takaponeni ku cinkwa cilikke, pele ku Ijwi lyoonse eelyo lizwa ku mulomo wa Leza.”

Amubone eno, tu jana kuti uli “cinswe,” cilebyo ca nzila yankwela a sicinswe.

54 Elyo nyika iboneka kuba mu bukkalo bubi loko obo bwaka sola kuba. Taakwe mu bukkalo buli boonse oko banakazi nko bakasola kulilemeka mbuli obo, taakwe pele kakutanaba buyo lunyoonyoko lwa nyika ku zambangulwe. Elyo Jesu wakaamba kuli mbabo. Tu lasika kwamana eco kaindi kaniini.

55 Sena Leza wasweekelwa bweendelezi, na Uli mukuzumizya buyo mwiiminizi uumbi? Nda yeeya. I bwiinguzi bwini ku mubuzyo oyu ngu, ku kuyeeya kwangu, kuli myuuya yobile iizundana mu nyika sunu, iibeleva. Lino, ta kukonzyi kuba yiinda kuli yobile, bweendelezi bobile. Elyo Umwi wabo ngu Muuya Uusalala uubeleva; umwi umbi ngu muuya wa dyabulosi, alimwi, mu mazuba aaya aku mamanino, mu lweeno.

Lino Ndiyo simpika muzeezo wangu mponya awa ku cibalo cimbi, cimbi ca . . . Mulumbe wesu.

56 I myuuya yobile. Umwi wayo, Muuya Uusalala wa Leza; umwi umbi, muuya wa dyabulosi, kuubeleva mu lweeno. I bantu ba nyika eno bali mukubamba kusala kwabo.

I Muuya Uusalala uli ano kawiiita kuyobolola Nabwiinga wa Kristo. Uli mukucicita kwiinda ku kusimpikizya Ijwi Lyakwe Iya cisyomezyo kuli Nguwe, ca bukkalo obu, kutondezwa kuti Ngu Kristo.

Ikuti na kanwe keelede kweenda mu bukkalo obu, kanwe kayoenda. Ikuti na itende lyeede kweenda mu bukkalo obu, itende liyoenda. Ikuti na liso lyeede kubona mu bukkalo obu, liso liyo bona. Mwabona?

I Muuya wa Leza, mbuli Mbou komena mu ciimo cizwide ca Leza, ngu bukkalo obo mbo tupona mo. I Muuya Uusalala uli aano kusimpikizya Mulumbe wa oora. Elyo Muuya Uusalala uli mukucita eci, kutegwa bantu abo basyoma Leza bayoitwa kuzwa ku lupilingano olu.

I muuya uutasalali wa dyabulosi uli ano kuita mbungano yakwe kwiinda ku bulubizi, mbuli lyoonse, kwiinda ku kupilinganya Ijwi lya Leza, mbuli mbwa kacita ku matalikilo. Mwacibona kacijoka nkoonya ku ciindi ca mbuto alimwi, kuzwa ku Edeni? Nceeci we alimwi.

⁵⁷ Lino, kaindi kwiinda kuya, nywebo muzuli-. . . makkalo aambi, nywebo muzulilwa ku tubungwe, nywebo muzulilwa kuli *aka*, *ako*, na *kambi*. Ino ncinzi cacacitika ku cikuba cakabungwe? Ca kayuma. I Muuya ulazumanana kuzwa a kuyabuya, elyo Wa sololelwa mu Mbuto. Nywebo mwabona na?

⁵⁸ Elyo sunko, lya zyoonse, kujokela ku nzila njiyonya mbo cakabede ku matalikilo. Amubone. Muta—muta, peepe, muta cilubi eno.

Mbuli Johane, Mutaanzi Johane 4:5 a 6, ikuti na muyanda kulemba eyo aa mapepa, ula cibikka, “i muuya wa bubeji.”

Eva kwiina na keenda cabuyo ku busena, acaali, kwaamba, “Ta ndisyomi muli Leza.” Peepe. Bwa kali bubeji mbwa kasyoma.

⁵⁹ Saatani kwiina na kaboola kubusena a kuti, “Oh, ma, elyo akwalo talili Ijwi lya Leza.” Wa ka Li zumina kuti lyakali Ijwi lya Leza, pele wa kabikka bupanduluzi bwakwe kuli Ndilyo. Kakuli, Leza waka baambila cantangalala kuti bata ciciti.

Ino eci cicita nzi? “Ci bamba lweeno lupati, ku bantu kusyoma bubeji, a ku nyonyoonwa kuli ndulo.” Lino ikuti na muyanda kubala eco, Babili Batesalonika 2:11.

⁶⁰ Mbuli mbo Ndi jisi kutandila, Magwalo masyoonto akubwene awa, elyo ta tukakonzyi kwaabala oonse. Lyomwe eno a mpawo, Njo apa kuli ndinywe. Mbuli mbo ciboneka kuba ceenzu, kuti mwa cibuzya na cintu cimwi, elyo inga twa cilemba aa mapepa a kubala ku lugwasyo lwanu—lwanu.

⁶¹ “Kubamba lweeno lupati,” mbuli Bbaibbele mbo lyakaamba kuyooba, Babili Batesalonika. “Lino, muntu oyu wa cibi inga uyo boola mukuba, a kukkala mu tempele lya Leza, kali tondezya mwini kuti wakali Leza, a kucitya bantu kunjila lweeno lupati, kusyoma bubeji; alimwi, ku busyoma, bayo nyonyoonwa kuli mbubo.”

Eco nce cintu nciconya nca kacita kuli Eva. Ka mupa... Taakwe—taakwe na kamwaambila kuti Ijwi tii lya luleme, pele wakamupa lweeno lupati, cakuti wa kasyoma bubeji.

⁶² I muuya wa lweeno lupati ngwa dyabulosi. “Dyabulosi eno kabeleka mu bana batamvwi.” Batamvwi kunzi? Ino ncinzi bana ba buzuba buno nko batamvwi? Mbuli Eva mbwa kabede, ku matalikilo, Ijwi lya bwini lya Leza. Mbo mbubo. Lino ikuti na muyanda kujana eco...

Atu jule kuli ncico, ba Efeso 2, kaindi buyo kaniini, nkambo ciboneka kabotu kuti twa...Njo ima kwa kaindi kaniini, ikuti na tamubindide maningi, a kubala amwi aya. Ba Efeso 2:1 kusika ku 2.

Elyo nywebo wa kamubusya, no mwaka fwide lumwi mu milandu a cibi:

Omo mwalo mu ziindi zyansiku nywebo mwa keenda mbuli ku ziimbo zya nyika eyi, mbuli ku mweendelezi wa nguzu zya ku muuwo, muuya oyo eno ubeleka mu bana batamvwi:

⁶³ “Bana batamvwi.” Elyo ikuti na sinkondonyinakristo, kutalikila kuya mu buniini kwali kutamvwa, ino uyooba bina cindi cakusololelwa mu muntu sinkondonyinakristo? Obo calucengo mbo ciyooba! Mbobuti kuba anguzu loko zya lweeno konzya i—muntu wakakomena kupa ku nyika, kwiinda mwana muniini! Elyo wa kati, “I muuya wa—wa lweeno eno ulabeleka mu bana batamvwi,” batamvwi ku Ijwi. Amubone. Lino Ndi yanda kukkalilila aali eci kwa kaindi kaniini, “i bana batamvwi,” i mwana.

⁶⁴ Sena mwakalizi, nywebo, kutalika kwanu, inga Nda tondezya ku Ijwi lya Leza kuti nywebo, kufumbwa muntu mukati kuno, wakali muumi muli syanyookulu mupati. Elyo syanyookulu mupati, wakazyalwa kuyaansi kuli syanyookulu, mpawo kuli uso, alimwi mpawo kuli nduwe. Mulizi eco na?

I Bbaibbele lya kati, Nda syoma ngu ba Hebrayo 7, kuti, Melikisedeki, cindi Abrahamu na kajoka kuzwa ku kujaya bami, “Abrahamu wakapa Melikisedeki kwakkumi kwa zisaalo zyoonse.” Elyo awa Paulo kaamba eno, kuti, “Levi, oyo wakatambula kwakkumi, waka cili...Wa kapa kwakkumi, nkambo wakacili mu cikungu ca Abrahamu cindi na kaswaana Melikisedeki.” Aboobo kufumbwa cintu eco Abrahamu nca kacita, mpawo tu jana kuti Levi mpawo wakali muli Abrahamu, oyo wakali syanyinaku wakwe mupati. Abrahamu wakazyala Izaka; Izaka wakazyala Jakobo; Jakobo wakazyala basikale, Levi.

Lino, mpawo, nywebo mwabona, mpaawa kwaboola mu kuboneka kulondokede, kukanzwa.

65 Lino, mu Milumbe eyi, Ndi yanda kwa—kwa—kwa mbilisisya zintu ezyo nze Nda ka mwaambila mu Mulumbe, wa Mumuni waku mangolezya oyo Leza ngwa kati uyo boola aa nyika.

66 Elyo amubone, mpawo, “I cinyama eco ca keelede kuboola aa nyika, ciyo cenga boonse abo bala mazina atakabikwa mu Bbuku lya Buumi ilya Mwanambelele, wakajaigwa kuzwa ku malengelo aa nyika.”

67 Mu kuyeeya kwa Leza; Leza, Muuya mupati. Ku matalikilo, kakutanaba matalikilo, Wa kali Leza, elyo sena mulizi kuti mwakali muli Nguwe kaindi? Ikuti uli Munakristo eno, wakali muli Nguwe kaindi.

Elyo mpawo, ikuti na eco ciliboobo, boonse Buleza camubili bwa kabumbwa mu Muntu Jesu Kristo. Elyo mpawo cindi Jesu nakafwa aa ciingano, Nda kafwa a Nguwe, nkambo Nda kali muli Nguwe kaindi; nkambo Wa kali buzule bwa Ijwi, lyaka yubununwa, kuziba kuti tuyo yubununwa kuciindi cakacili kuza. Elyo twakali ku Kalivari a Nguwe. Twa kainka mu cuumbwe a Nguwe. Elyo twa kabusigwa a Nguwe aa bubuke Bwakwe. Elyo eno twa katanta, kwiinda ku Muuya Wakwe, ku Cuuno ca luzyalo, katukkede antoomwe mu myweenya ya Kujulu muli Kristo Jesu. Lyoonse!

68 Nkambo mbuli nseke ya buumi bwa kunyama ila letwa mucuindi coonse, kimena kuzwa kuli taata kuya kuli taata, kuli taata, kuli taata, mbobubede Buumi bwa Kristo bwakamena.

Ako nke kaambo Leza nca belesya Muuya wa Eliya ziindi zyandeene zili zyosanwe. Ino ncinzi? Nkupa mukukona.

69 Mbuli buyo buumi bwanu bwa kunyama a bube bula pegwa mukukona kuzwa ku kuswaangana kwa kunyama kwa bauso, mbo ubede Muuya wa Leza, oyo wakakanzwa kuzwa ku malengelo aa nyika.

Elyo cindi Ijwi lya Leza lyoonse, mu kumaninina, lya kaba mu bweendelezi imu mubili wabuntunsi uutegwa Jesu Kristo, mukati muya Leza waka ndibamba kubbadalila zibi zyangu, muli Nguwe kuya. Mpawo Wa kandibusya, ka ndibusya a Nguwe, mu bubuke. Elyo eno tuli kkede a Nguwe, a nguzu a bwami ku madyabulosi oonse. Oh, ikuti mwakonzya buyo kusyoma eco Leza nca kapa! Pele ikuti tamu kkede kuya, tamu cijisi. Alimwi ikuti na kamu kkede kuya, nkabela tamu cisyomi, alimwi mula yoowa kweenda, tamu kasoli kucibelesya. Pele ikuti na muli kkede kuya, muyo cibelesya, nkambo muli salidwe kucita eco nco mucita.

70 “Farao,” ku lubazu lumbi, “wa kabusigwa ku bukanze obu,” Bbaibbele lya kati, kuba Farao. “Judasi Isikarioti wakabusigwa kuba mwana wa lunyonyooko.”

Lino amubone Bwini obu bupati obo mbo tulanganya.

⁷¹ Lino tu labona kuti mbungano ya kakaka kutambula Ijwi lya Leza kuti libeendelezeye, a kutambula Baraba mu busena. Lino, ikuti na muyanda Lugwalo aali eco, ngu Matayo 27:15 kusika ku 23. Ino eci cakacita nzi? Ino mbusena nzi eci nko cakacita? Lino amu ciyeeye. Cindi mbungano ya nyika, mu buumi bwayo bwa kabungwe bwa bululami, bantu basalala, mbuli mbo bakali kuyeeya kuti mbo bakabede, alimwi mbo bakabede mu meso aa bantu, ba kajaya Jesu, a kwaamba, “Ta tuka zumini Muntu oyu ku tweendelezya.” Nkabela Jesu wakali buzule bwa Ijwi lya Leza. Mutaanzi Johane 1, cila citondezya. Elyo ba kati, “Ta tuka zumini Ijwi eeli lya Leza ku tweendelezya.” Nekubaboobo, Wa kali Ijwi, pele meso abo akali ofweede kuli obo Mbwa kabede. Nkambo Wa kali bwiinguzi bugaminina ku zisinsime zyoonse ezyo zya keelede kuzulila muli Nguwe.

Lino, toonse tula syoma eco, nkaambo tu langa mumsi kucibona kucitika. Pele ikuti na nyika inga yacita, nkokuti eno, obu bukkalo bubi buliko, obo bwakali kunga bwaba kaindi kuya ku ciindi eco, inga no bakacita cintu ncionya nco bacita sunu, nkaambo ngu Ijwi ndilyonya, lya bukkalo obu, kali yubununwa. Uyo cicita. Ta bakonzyi kucita cintu cimbi. “Mbana batamvwi.” “Kupegwa lweeno lupati, ku syoma bubeji, a kunyonyoonwa kuli ndulo.”

⁷² Amubone cindi nyika yabukombi noya takazumina Jesu, i Ijwi, kuyubununwa ku buzuba obo, nkaambo (kanzi?) baka Li pandulula mu nzila iimbi. Pele ba keelede kuziba kuti Wa kali Ijwi eelyo, nkambo zintu zyoonse ezyo Leza nzya kaamba kuti Uyo cita, Wa kazicita. Elyo Wa kati kuli mbabo, “Amulingule Magwalo aa oora eeli; nkabela nata Ndi kkwanisiye cecelelo eco cakaambwa Ndime kucita, mpawo muta Ndi syomi.”

Ba kati, “Tula syoma Musa.”

⁷³ Wa kati, “Ikuti no mwaka musyoma Musa, no mwaka Ndi syoma, nkambo Musa wa kaamba zya Ndime.” Elyo nekuba boobo tii bakacibona. I Leza nguonya wa Kujulu kafwa aa ciingano, a kwaamba majwi ngaonya musinsimi nga kaamba kuti Uyo amba, elyo nekubaboobo tii bakacibona. Mwabona?

Tee bakali ba musyobo Wakwe. Tee bakali ba Ijwi, kutali Ijwi; alimwi balo, nekuba, ba kali—ba kali bakombi loko. Pele tee bakali Ijwi, nkambo Ni—Ni lyakaziba busena Bwalyo bwa oora eelyo.

⁷⁴ Amubone obo kubotelezya Magwalo mbwa zuminana antoomwe mu makkalo oonse. Amubone eno.

Elyo cindi mbungano ya nyika noya taka zumina Ijwi lya Leza ku beendelezya, baka zumina mujayi, Baraba. Ino eci cakacita nzi? Ca kasumpula Saatani, kaleza ka bukkalo obu bubi, ku busena oko nkwakali kuyanda lyoonse.

Lino amuswiilile. Nkambo, Saatani taambidwe kuba kaleza ka bukkalo buli boonse pele bukkalo obu. Kwiina na kaambwa kuba kaleza ka bukkalo bwa Nowa. Kwiina na kaambwa kuba—kuba kaleza ka bukkalo bwa Musa, kaleza ka bukkalo bwa Eliya. Pele, bukkalo obu bubi, walo ngu... Oh, muta kacilwi kucibona! Ngu kaleza ka bukkalo obu bubi, kakombwa a mamilioni a mabbilioni aa bantu, elyo taba cizyi. Pele atu lekele Lugwalo lumu vumbulule cifumo cino, alimwi atubone, mpawo muyo ziba. Atulekele Lugwalo. . .

⁷⁵ Mbuli mu miswaangano ya kutwelukwa, cindi Muuya Uusalala waba aakati ka Ijwi Lyakwe elyo Wa iita mwaalumi oyu a kwaamba, “Yebo tojisi mulimo wakupona a mwanakazi oyu umbi. Ino Wa kacitila nzi eco, myaka iili kkumi yakainda, cindi no kaloboka a mukaintu wa mwaalumi oyo?” Ino Ucita nzi? Uli mukumuvumbula, kuyubununa Saatani, oyo waangide mwaalumi, na mwanakazi uupona a mulumi wa mwanakazi umwi uumbi, na cibi eco nco bakacita, zintu ezyo nzyo bakacita. Ino cicita nzi? Cila muyubununa.

⁷⁶ I madokotela babweza zibelesyo a kusola kujana eco cilubide. Ta baka konzyi kucicita. Ta ba konzyi ku caamba. Pele cindi Muuya Uusalala wazwa a kuyubununa obo mbwa bede, a ku muyubununa. Mwabona? Obo mbo libede Ijwi lya Leza. Ngo Mumuni oyo uumweka mu mudima.

Elyo cindi watola coongo mu kaanda, cili mvwisya kuba maseseke; inkamu ya cintu cimwi cibeleda, nkabela tozi obo mbocibede. Ko yasya mumuni, kufwambaana. . . Impaso zilila, mapempya, ngo—ngo bana ba mudima. Elyo cindi mumuni wamweka, zila mwaika.

“Ba kazwa kuli ndiswe nkaambo tee bakali besu,” Bbaibbele lya kaamba. Mwabona? Ta bakonzyi kupona mu Mumuni wa nyika. . . Nkambo, Leza wa Kujulu watuma Mumuni Wakwe mu mazuba aya aa mamanino, kutegwa A munikile kazila ka bana Bakwe, kutegwa ba teendi mu mudima a kulifumpula, pele kutegwa beende mu Mumuni wa kumweka kwa Jesu Kristo, mbobuca nguwenya, sunu, amuya myaaka. Ameni!

⁷⁷ Amubone, Saatani ta kaitwa kuba kaleza ka bukkalo buli oonse pele bukkalo obu. Akali makanze aakwe, kuba mbuli Leza, kuzwa nkoonya ku matalikilo.

Atu bale eco. Tuyo liiba buyo mu ciindi cesu. Atu joke ku. . . Mwabona, Ndi lu jisi ka lulembedwe aa pepa, Isaya 14. Atu jokele awa kuli Isaya 14, kwa kaindi kaniini, a kubona eco Leza nca kaamba. “I kaleza,” eco Saatani nca kacita. Isaya 14:12 a 14. Amubone.

Mbobuti yebo mboowa kazwa kujulu, O Lucifa, mwana wa bucedo! Mbobuti mbo gonkelwa aansu, yebo noka kompama masi!

Nkambo yebo wa kati mu moyo wako, Njo tanta kujulu, Njo imika cuuno cangu cabwami aatala lya nyenyeezi zya Leza (bana ba Leza, eno): elyo Njo kkala akwalo aatala aa cilundu ca mbunganino, mu mabazu aa kunyika:

⁷⁸ Akali makanze aa Saatani kuti akombwe mbuli Leza. Wa kabweza zibeela zyobilo muli zyoatatwe, zibeela zyobilo muli zyoatatwe zya nyenyeezi zya Kujulu. Wakali tansika aatala aa nyenyeezi ezyo, a kukambauka kuli nzizyo, a kucenga zibeela zyobile muli zyoatatwe zya mbabo. Nywebo mwabona na? Ncibotu. Amubone, ayo nge makanze aakwe.

Elyo eno uli libambilide, a nabwiinga wakwe wakaiya, wakasalwa kabotu kwiinda ku luzibo lwakwe lwini, mwabona, kasakatide koonse mu lucengo lwakwe, kwa mayake mapati a tubungwe twakwe tupati, a kubota kwa luzibo a lwiiyo lwa zyabukombi, akuba musongo a mupampu, a uyiide, kuti acenge nyika yoonse, a kuba “kaleza.” Eco nca cita. Zyoonse kazisololela mu muntu sinkondonyinakristo, uli waka samikwa kale musyini “mwiiminizi wa Leza,” kwiinda kuli nabwiinga wakwe, wa sayansi, uyandisya nyika kasamide kabotu koonse mukulitondezya kwa kulikankaizya kwabuyo mu bupampu, lwiiyo lwa bukombi. Wa kabambwa kuba mukombi mbuli nguwe, alimwi kwiinda ku bupanduuzi bwakwe mwini bwa Ijwi lya Leza mbuli mbwa kacita Eva, a mwana wakwe Kaini mbwa kacita.

Lino waamba, “Mwana wa Saatani na?”

⁷⁹ Amu nditondezye busena bomwe mu Bbaibbele kuteeti Kaini wakali kutegwa mwana wa Adamu. I Bbaibbele lyaamba kuti wakali “mwana wa oyo umwi mubi,” lunyungu lwa nzoka. Peepe, civumbyo cagusigwa eno, mukwesu. I piramidi ya julwa, mbuli ciyubunuzyo mbo cakatondezya.

⁸⁰ Amubone eco nca yooocita, mizeezo yakwe. Wa kayeeya kuti Leza wakali kukkala mu bweebesi bwa nyika. Wa kacita eco Kujulu. Cibi tii caka talikila mu muunda wa Edeni; ca katalikila Kujulu, cindi Lucifa, mwana wa bucedo, na kalisumpula mu bweebesi, alimwi wakali kuyanda bwami bweebesi kwiinda obo bwa Mikayeli. Elyo wa kayeeya kuti Leza wakali kukkala mu bweebesi.

⁸¹ Elyo amubone Kaini. Ta kali kuyanda cituuzyo ca bulowa. Waka selemuka a ku tuula micelo, na—na myuunda ya bweebesi aa cipaililo cakwe. Mukombi maningi, wakacita zintu zyoonse, cakuti, mbubonya buyo mbuli Abela mbwa kacita; waka tuula cituuzyo, wakafugama kumbele lya Leza mu kukomba, kuswiilila mu nzila zyoonse, pele katakwe ciyubunuzyo ca Ijwi.

Elyo Ijwi lyakaliko, kuzwa ku matalikilo, makanze aa Leza. Pele Leza wakayubununa, kwiinda ku ciyubunuzyo,

cintu nciconya eco Nca kasimpikizya a kutondezya kuti cakali luleme. Kutali bukombi, kutali cipaililo, kutali kuzulilwa ku mbungano, kutali kubamba cituuzyo, kutali kuba uusinizizye; pele kwiinda ku ciyubunuzyo ca Ijwi lya Leza. Leza kamu yubunwida eco kuti. . .

Banyina kwiina no bakalya appele eelyo nzoka nje ya, kamupa, pele waa kalalana a muntu Saatani, mu ciimo ca munyama; kutali reputailo, pele munyama musongo maningi, wa boonse mu muunda, cinkozya ca muntu, cintu cilikke eco kuti yakali mbutu iyakali kukonzya kusangana mukati. Lino sayansi iisola ku mujana. Nkabela taba kamu jani pe, nkaambo mafuwa oonse mu mubili wakwe akacinca. Pele Bbaibbele lila tondezya kuba boobo.

⁸² Amulange eco mulombwana oyu nca yoocita eno. Mulombwana oyu, “Uyo kkala mu tempele lya Leza,” nko kuti, mbunga, “kaliyubununa kuba Leza.” Lino ikuti na muyanda kubala eco, ngu Babili Batesalonika 2:3 a 4, a Ciyubunuzyo 13:4, 11 a 12; awo akaambwa, basinsimi bobile, bobile Johane a Paulo, obo mbwa yooba mu mazuba aa mamanino. Lino amu cibale, nkaambo Ndi jisi kulembedwe aa pepa awa. Pele Ndi. . .ku kuvuna ciindi eno.

⁸³ I buzuba mbu tupona bulategwa, mu Bbaibbele, “buzuba bwa muntu,” buzuba bwa muntu. Obu tabuli buzuba bwa Leza. Leza tali kaleza ka nyika eyi; Bbaibbele lyaamba kuti Tali boobo. Ngu Leza wa Kujulu. Pele kutali Leza wa buzuba.

Obu mbuzuba bwa kusala. Naa, ku ponena sunu, a kufwa; kosala Leza, a kupona. Elyo Leza ngu Ijwi, nkabela Ijwi ngu Ijwi lyaka yubululwa ku oora a buzuba.

⁸⁴ Amubone, “buzuba bwa muntu.” Ikuti na muyanda kulemba eco aa mapepa, ni Nda cibala. Pele Bataanzi Bakorinto 5:1-5. . .Bataanzi Bakorinto 4:1-5, mundi jatile, Bataanzi Bakorinto 4:1 a 5, wakali Paulo kaambaula zya kubetekwa aa muntu, mu buzuba bwa muntu.

⁸⁵ “I buzuba, nkambonzi nco mu bwiitila kuti buzuba bwa muntu?” nywebo inga mwaamba. Ngo buzuba obo milimo kwiinda ku busongo bwa muntu nkobu lemekwa.

Amulange cintu, koonse kuli dundaizya kwa bana kkomunizimu, muntu umwi kasola kujana muntu umwi kuya ku mweezi. Leza usola kutola muntu Kujulu. Mwabona? Pele amulange obo mbo babelesya mamilioni a mabbilioni a matrililioni aa madollar, mu kunyonyoona kusoleka kwa nguzu. Cindi basika kuya, taakwe cintu nco baya kujana pe. Ino ndi penzi nzi kuli mbabo?

Ta ndikwe makani azya mweezi. Ndi yanda kwiinda mweezi cakufwambaana loko cakuti Ta ndi kauboni pe; kuzumanana buyo kuya aatala loko. Ndi yanda kwiindilila Mukondo Utuba Wanyenyeezi, kuzumanana, kuyabuya buyo. Iiyi!

⁸⁶ Elyo nyika sunu yalipa ku luzibo olo lwa kaboola kwiinda kuli Saatani. Elyo buzuba bwa muntu bwa lemekwa, kutali kwiinda ku Ijwi lya Leza, pele kwiinda ku luzibo olo ndwa jisi.

Lino amuyeeye. Eco acimvugwe maningi. Elyo ciindi waloolola kulizya teepu eyi, a cibeela awa, ukaiame kwa kaindi kaniini a kuyeeya.

Milimo yakwe yasumpulwa aatala lya Ijwi lya Leza a milimo yaka yubululwa; busongo bwa Saatani, obo mbwa kaba Eva ku matalikilo. Lino amuswiilila, muta iimpyi eci. I busongo bwa Saatani kwasumpulwa aatala aa cuuno ca kukomba, mu muntu, aatala aa Ijwi lya Leza lyaka simpikizigwa lya oora. Mabungano eesu ala tondezya kuti maseminari abo—abo, zikolo zya kwiiya, abo bakaiya kwiinda Ijwi lya Leza mbolizi kujatikizya Ncico, bala yeeya. Elyo kuya, Mwiiyi *Niini-a-niini*, a Mufundisi *Niini-a-niini*, Sicikolo mupati *Niini-a-niini* ba sumpula luzibo lwabo beni, mbo lutegwa (kuzwa kuli Saatani) bwini, aatala lya cisyomezzyo ca Leza caka simpikizigwa, caka bambwa aantangalala ncobeni kumbele lyabo. Elyo muntu ulacengwa kuli ncico. Mwabona?

⁸⁷ Milimo yakwe ya kuzwidilila ku sayansi, kusola kutondezya Ijwi lya Leza kuti lililubide. Amuyeeye buyo eco. Walo, zyakwe, nko kuti, lwiiyo lwa zyabukombi lwa muntu, bula pandulula Ijwi lya Leza ku bantu, a ku Li bamba kubula nguzu alimwi, mbuli mbwaka cijisi mu bukkalo bwakabungwe cindi Jesu na kalibonya aa nyika. Jesu wa kati, “Nywebo no basikuupaupa! Nywebo, ku tunsiyansiya twanu,” obo mbu panduluzi bwabo, “mwabweza Ijwi lya Leza a ku Li bamba kubula nguzu ku bantu.” Elyo nce cintu nciconya nco bacita sunu. Ta likwe nguzu.

⁸⁸ Amubone, “Balo,” bantu, “bala musumpula aatala lya zyoonse ezyo zitegwa Leza.” Sena Babili Batesalonika ta lyaambi kuti bayo cicita? Nkabela bwami bwa mbungano ya kabungwe, bantu bakasyoma kabungwe ako kwiinda mbo basyoma Leza. Nkabela Leza ngu Ijwi. Bayo syoma tunsiyansiya twabo twa tubungwe kwiinda Ijwi, abo “bala musumpula atala a zyoonse zitegwa Leza.” Elyo kuli buyo Leza omwe, alimwi eelyo ndi Ijwi.

“Zyoonse ezyo zitegwa Leza; aboobo walo mbuli Leza wakkala mu mbungano ya Leza, kutondezya kuti ngu Leza,” nkambo wabamba bantu kumukomba. Leza ngu Ijwi. Elyo ula lisumpula aatala aa zyoonse ezyo zitegwa Leza. Elyo kuli Leza omwe luzutu, alimwi oyo Leza ngu Ijwi. Mwabona? “Elyo zyoonse ezyo zitegwa Leza,” ngu, kaleza ka bukkalo obu wali sumpula aatala lya Ijwi lya Leza, lya bwini ilya kasimpikizigwa. Oyo ngu Musalali Johane 1. Mwabona? “Aatala aali zyoonse ezyo zitegwa Leza, kutegwa walo mbuli Leza wakkala mu tempele lya Leza,” kajisi bwami.

Amulange, nkabela ula lumbaizigwa kuli ncico! Oh, ulakwela bantu, Leza, babone lweeno olo! Ula lumbaizigwa kuli ncico, alimwi mu kusinizya kupati kusyomwa kwiinda ku bantu ba bukkalo obu bubu. Lino sena mwabona kaleza a bazike bako ba bukkalo obu bubu?

⁸⁹ Lino atu cilangilile kaciyubululwa. Wa amba kuti ubamba nyika mbotu ya mbabo kuti baponene mumo, kwiinda ku luzibo lwakwe kunze lya Ijwi lya Leza li takakilwi. Pele kwiinda ku kuboola kwakwe antoomwe, mu tubungwe, a tunsiansiya, a bupampu, a zya sayansi, a zimwi zimbi, kubamba nyika mbotu ya muntu kuponena mo, a kuta bikkila maanu ku cisyomezyo ca Leza, kuti ciindi buyo nyika niyo eleela kuponena mu Mileniamu. Nywebo mulizi, muzeezo wangu, wa bamba nyika mbotu yakubisizya mubusena bwa kuponena mo.

⁹⁰ Amubone. Sena waka cicita? Wa kazumizya cibi. Wa kazumizya kunywa wisiki, kufweba tombwe. Alimwi mu zikombelo, wakazumizya kuti mwanakazi inga waba cizo ca mbungano, kajisi masusu mafwaafwi. Lino walombwa kwiima kwa kaindi buyo kaniini.

⁹¹ Ula konzya kusama tubbudula, kunana misila, elyo kacizulilwa ku nkamu yakwe ya bukombi, eco ciimpene ku Ijwi lya Leza. Ula amba kuti cili kabotu. Mwabona luzibo lwakwe na? “Ino eco cilimu cakucita nzi a mwanakazi?” Mbubonya buyo mbuli kulya mucelo wakakasigwa, na mucelo wata kakasigwa, obo mbocibede. Leza wa kati ta ceedelede kucitwa, pele ula cicita.

⁹² Elyo ula musyoma, alimwi ula muyanda nkambo ka ncico. Ula sula Leza. Micito yakwe iini ilatondezya kuti ulacita. Ula lyaamba kuti ula Mu yanda, pesi uyanda Saatani. Walo ulakomba kaleza ka ciyanza, kaleza ka nyika, kaleza kanakazi ka Hollywood. Ula muyanda, pesi ula sula Ijwi lya Leza ilya bwini, oyo uli ngu Leza luzutu wa bwini uuliko.

Ulacizumizya mu mabungano. “Kwiina penzi. Banakazi besu bala konzya kucita *eci*, *eco*, na *cimbi*.” Pele mu Busyu bwa Leza muumi, ta zumizigwi akwalo kuboola, citakuti uli mukweempwa.

⁹³ Labona, ngu kaleza ka bweebesi bwa nyika, mbwa bedede. Uyanda ku boneka kabotu. Nkabela ngu kaleza ka bweebesi, kuzwa ku matalikilo. Ula konzya, alimwi wazwidilila kwiinda ku luzibo lwakwe mu sayansi a zyakubelesya, kubamba bweebesi bwakwe, bukkalo obu bwa ciilisyo. . . bukkalo obu kwasunu, mubwini, bwa bubu. Bwa bambwa bweebesi.

⁹⁴ Amubone. Kula yandika kapati kuziba. Ku matalikilo, Seti a bana bakwe taakwe no bakaunka mu nzila ya sayansi.

Lino tuyo kanana kujatikizya sayansi kwa maminiti masyoonto. Ikuti na Nda mba eci, kutali kutamizya ikubula

lwiiyo kwangu; pele, nkamu ya bantu banyina luzibo, kufumbwa cintu eco ciyokaka Ijwi lya Leza. Mwabona? Masimpe.

Kula yandika kapati. Amu cilangilile. Bana ba Seti taakwe noba kaunka nzila ya sayansi. Bakali beembeli, balimi babombe, a zimwi zimbi.

Pele bana ba Kaini bakacita. Nkambonzi? Bakananikwa a wisi, dyabulosi. Kaini, wakananikwa a wisi, dyabulosi, alimwi bakananikwa aa mbuto eyo kaiseluka.

⁹⁵ Amulangilile mbuto ya Leza kaiseluka kwiinda mu bukkalo abukkalo, elyo amulangilile nkoiya sunu. Banakristo, Banakristo kasimpe, tabali kuli zya kubbutukizya a zintu zya sayansi nokuceya. Peepe. Kwa kaindi kaniini, tula njila muli eco.

Pele Kaini wakacita, katobela bupange bwa wisi, dyabulosi, uuzwide luzibo lwa nyika, bweebesi, a sayansi, zimwi zimbi. Bana ba Kaini bakali ba sayansi. Bakali yiide. Bakali basikulizya ziimbo—ziimbo zya zibelesyo; Elvis Presley wasunu, cimwi cintu eci mbuli eco inkamu ya cikolo ula cilekela kucitika kutala kuya mu kagwagwa lyaonse masiku aamu Mujibelo. Bayaki ba madolopo, kubotya banakazi nkambo ka zisusi zyabo, mbuli dyabulosi kapa banakazi misila, a kugela masusu abo, a kubasamika tubbudula, a zintu mbuli ezyo. Balo, nca zisusi zyakwe mwini zya tombe. Oko nkuyumu kwini, pele ta Ndi zyi nzila iimbi ya ku caamba.

⁹⁶ Lino, tu lizyi kuti lwiiyo lwa Saatani ngu lwiiyo lwa sayansi a kusumpuka. Wa kalukambauka mu Edeni; kutali Leza; Saatani waka cicita, sayansi ya kusumpuka. Sayansi a kusumpuka ngu lwiiyo lwa Saatani. Amulange oko nkwa tusololela sunu, a ndulo. Mwabona?

⁹⁷ Amubone, waci kakambauka mu Edeni, kuli ni? Kuli nabwiinga wa Adamu. Elyo wa kacegwa kuli nkuko. Wa ka mweena mu kubuzya limwi lya Majwi aa Leza. Atu bone eco antela nca kaamba. Ule elede kuti wa kati, “Ta cili ca sayansi kufwa, mu mbungano eyi iisalala.” Na, “Uyo yiisigwa a kuba uuyide, kuta syoma mu zintu zili boobu zitali zyakuyeeya kabotu mbuli lufu. Ta ndikwe makani ikuti na Ijwi lya Leza lya ka caamba; tacili ca kuyeeya kabotu.”

⁹⁸ Oh, amu mulange sunu. “Leza ngu Leza mubotu. Nywebo muli mu mbungano Yakwe iisalala; baa, ta mukonzyi kufwa.” Pele Leza wa kati muyo cita, elyo eco cilacigozya. Mwa mubona na sunu? “Oh, kuzulilwa buyo ku mbungano. Ta cili eco nco cita, na *eci*, *eco*, na *cimbi*. Ko boola buyo ku cikombelo a kuba membala mubotu. Kugela masusu aako, obo mbufubafuba. Nkabela kusama tubbudula, a kunana misila, a kuya ku zizyano, a tukoko mu ziindi zimwi, ta tuko kunyonganya, kufumbwa kuti toli botelezyi muli nkuko. Cakusyomeka, Nda lombozya nywebo no bana

inga mwakunywa, kutegwa ba konzya kwiiya naa bala ciyanda na pe.” Nceeco we, kaleza ka bukkalo obu, bukkalo obu bubi.

⁹⁹ “Leza ngu Leza mubotu.” Nda kamvwa eco kunji kusikila Nda kacimwa. Leza ngu Leza akwalo wa bululami. Tali syanene wakaindi uunyongene aniini oyo ukonzya kutontai kwa koonse, elyo bazukulu Bakwe kabatakwe cibi cili coonse. Ngu Leza wa bululami a busalali. Wa kacitondezya mu muunda wa Edeni, kwiinda ku bana Bakwe bataanzi. Yebo na wakosola munyinda oyo, limwi lya Majwi Aakwe, uli fwide. Cintu nciconya cileelela sunu.

¹⁰⁰ Elyo amuzibe, wa kakambauka musyobo oyo wa nkambauko, ya buleya, walwiyo, wa lusumpuko kuli Eva, a nabwiinga wa Adamu wakausyoma. Nkabela wa zwidilila mu kuzuzya oyo uutegeka nabwiinga wa Kristo, mbungano ya Adamu Wabili, a kukazya nkukonya. Mbo mbubo.

¹⁰¹ “Oh, ta cili—ta cili ca Leza; Leza mubotu loko cakuti takonzyi kucicita. Baa, kufumbwa kuti kounka ku cikombelo. ‘Ikuti na ula syoma.’” I dyabulosi ula syoma; kutali kulicengezezya, pele kusyoma kasimpe. Ta futukide pe. “‘Ikuti na ula syoma.’” Huh!

¹⁰² Ula ambila nabwiinga wabili, na Nabwiinga wa Adamu Wabili, mbubonya mbwa kaamba kusaanguna. Mbuli boobu, “Lino, kuponesegwa kwa Buleza, taakwe cintu cili boobo. Tula konzya kutondezya eco. Kwakanyina kaambo ka katondezegwa.” “Alimwi olu lubapatizyo mu Zina lya Jesu, eno ta mumvwiysi kuti Ndili bwami mu mbungano?” Wa amba. “Twa kacibamba eco ku Nicaea, Rome,” cindi eyo myuuya yotatwe iitasalali niya kazwa kuli simwaaba, basinsimi babeji, a bamwi bambi. “Tula syoma kuti kuli butatu bwa Baleza.” Oh, nkambo ka bubotu! Eco cili mbuli muhedeni mbuli mbwa konzya kuba. Muta soli kuboola kumbele lya Leza a cintu cili boobo, kusola kwiima mu Busyu Bwakwe. “Oh, ta cibambi lwandaano luli loonse ikuti na wa bapatizigwa mu mabande aa ‘Taata, Mwana, Muuya Uusalala.’ Ino ndwandaano nzi neo cibamba?”

¹⁰³ Ca kabamba lwandaano lupati, cakuti Paulo waka lailila nkamu ya bana Baptisti kuti ba keelede kubapatizigwa alimwi mu Zina lya Jesu Kristo Muuya Uusalala kautana kusola kubawida. Alimwi akwalo cakapa muapostolo oyo koompolola, aa kuteeti, “Ikuti na angelo waboola kuzwa Kujulu a ku kambauka kufumbwa cintu cimbi, abe mutuke.” Masimpe, ci bamba lwandaano. Oh, ma!

¹⁰⁴ “Kwiina cintu cili boobo mbuli lubapatizyo lwa Muuya Uusalala mu mazuba aya. Eco cakali buyo ca baapostolo. Ca kaina. Elyo a cintu cili boobo mbuli basinsimi? Ta cizizilwe akwalo. Maleele? Tabali ba sayansi. Malaki 4? Eyo yakali ya

bukkalo bumbi. Johane 14:12? Oh, Jesu takali kupandulula eco ncobeni. Luka 17:30? Oh, ako kakali kaano kabuyo. Mwabona, ci—cila pandululwa buteede; tii cakali muli zya matalikilo.” Busofwi buli boobo!

Cindi Leza Singuzuzyonse naseluka aakati kesu a kucitondezya. Cindi Na amba, kuti, “Jesu Kristo ngu mbobuca nguwenya, sunu, amuya myaaka,” Ula tondezya eco kuba boobo. Ta ndikwe makani oyo uta caambi; Leza ula pandulula Ijwi Lwakwe Mwini. Wa kati Uyo cita cintu eci mu mazuba aku mamanino. “Ku yooba Mumuni mu ciindi caku mangolezya.” Nkabela ngooyo Mumuni, ku kuyubuluka kwa Mwana wa Leza.

¹⁰⁵ I zuba ndilyonya eelyo lizwa kujwe ngu zuba ndilyonya libbila kumbo. I musinsimi wa kati, “Ku yooba buzuba obo butakonzyi kutegwa mbuzuba nanka masiku.” Bula siyasiya, makumbi, mbuli kuvumba busyu bwa zuba. Pele wa kati, “Kutandila ciindi caku mangolezya kuyo boola Mumuni alimwi.” I Mwana nguonya! Ngu Alfa a Omega. Mwana nguonya oyo uzwa kujwe wakaambwa kuyo buka kumbo alimwi, mu mazuba aa mamanino, kabutana mana buyo buzuba. Ta ndizi obo mbo ba Ci pandulula; Leza ula pandulula Ijwi Lyakwe Mwini. Ula Ci tondezya. Eci ngu ciindi caku mangolezya.

¹⁰⁶ Cipa buusu, pele ncobeni waa kacengwa kuli ncico alimwi. Nabwiinga wa Kristo wakacengwa kuli ncico, elyo wakabweza luzibo lwa bupampu lwa mukambausi umwi waku seminari mubusena bwa kusyoma Ijwi Iya Leza, lialalala lyaka simpikizigwa.

¹⁰⁷ Lino bakutausi ku masena kulaale mu cisi kufumbwa nko mubede, inga mwa kakilana aa Ceeci. Ta ndi munyonganyi pe. Ndi buyo kuso- . . . Ndi kanana ku nkamu yangu iini. Ndi sola buyo. . . Ikuti na muyanda kukkala mukati, Njo botelwa masimpe kuli nduwe ku Ci mvwa. Elyo mpawo amu Ci swilile. Mwabona? Pele Ndi baambila buyo eco ncoba—ncoba kabona, a ku citondezya kuli mbabo; Leza ka citondezya, kuti cili luzi. Mwabona?

Eeli ndi oora. Takuyandiki muntu uuli oonse ku Li pandulula. Luzibo lwako lwanyika talukwe a cintu cili coonse. . . Yebo inga kojisi B.A., D.D., A.D., na kufumbwa mbo cinga caba; ta caambi cintu cimwi. Leza ula pandulula Ijwi Lyakwe, Mwini. Wa ka cisyomezya, elyo nceeci we.

¹⁰⁸ Pele kwiinda ku luzibo lwa seminari, ku kambauka kwa kabungwe, “kwapa nyika yoonse kugambwa cinyama eco cili aa ciyaso calufu icakapona,” kuzwa ku muhedeni kuya kuli paapa. Mwabona oko nkwaya na? Ula cisyoma. Ula syoma luzibo olo ndwa mwaambila.

¹⁰⁹ Mbo cibede, eno amulangilile, ngu kuti boonse ba nabwiinga batangidwe bakasyoma luzibo lwa Saatani

kulwana Ijwi lya Leza. I nabwiinga wa Adamu wa kasyoma luzibo lwa Saatani kulwana Ijwi lya Leza, nkabela nabwiinga wa Kristo wa syoma luzibo lwa Saatani, mu bukkalo obu bwabupampu, kulwana Ijwi lya Leza.

Elyo amubone. Eva, kunyama, oyo waka cisyoma, a kudumpukizya mukowa wa bantu oonse mu lufu. I nabwiinga wa kunyama! Adamu, muntu wa kunyama iwa nyika; nabwiinga wakwe, katana sika kuli nguwe, kuba mukaintu, kanjizya mukowa oonse wa bantu mu lufu. Naa muli zya sayansi na pe, tu lafwa mbubonya, nkambo Leza wa kati tuyooba obo.

Naa muli Edeni iisalala, na mbungano iisalala, na kabungwe kasalala, na kufumbwa mbo cikonzya kuba, muyoofwa buzuba mbo muta kasyomi Ijwi lyomwe lya Leza ilya Ijwi kuba Bwini, kakuli Li lasimpikizigwa a kutondezegwa kuli ndinywe. Aboobo mbo buzuba mbo muyo lyaandaanya kuzwa kuli Leza. Kutali biyo muzila oonse; Ijwi lyomwe. “Kufumbwa muntu uyo yungizya ijwi lyomwe na kugwisya Lyomwe,” obo mbo buzuba mbo muyoofwa.

¹¹⁰ Amubone, nabwiinga wa Adamu wakaleta lufu lwa kunyama ku mukowa wakwe, mukowa wa bantu.

Elyo nabwiinga wa Adamu Wabili, nabwiinga uutangidwe wa Kristo, wadumpukizya mbungano yoonse ku lufu lwa kabungwe, ku kubweza caando ca cinyama, kwiinda ku tubungwe tupati, twa sayansi, twabupampu. “Tuli ba Baptisti. Tuli ba Presbyteria. Tuli ba Pentekoste,” a bamwi bambi. “Tu jisi *eci*, alimwi tu jisi lubono lunji. Tuli, tuli zizilwe ku mfulumende. Tuli ku nyika yoonse,” a zintu zyoonse zili boobu. “Elyo babotu kwiinda, alimwi mweendelezi wa dolopo, a bamwi bambi, ba boola kuli ndiswe. Awalo Muleli ulaboola kuzolya mulalilo uucitwa andiswe, elyo tula boola kuli *eci*, *eco*, na *cimbi*.” I nyika yoonse ya njila mu lufu, lwa kabungwe ka kumuuya; mbungano yoonse. Ili fwide!

Yebo waamba, “Ula jatikizya cooko coonse.”

¹¹¹ Jesu wa kati, “Mbubonya mbo cakabede mu mazuba akwa Nowa, omo mwalo bantu bali lusele bakafutulwa, aboobo mbo ciyooba ku kuboola kwa Mwana wa muntu.” “Mu mazuba akwa Lota, oko botatwe baka gwisigwa kuzwa ku Sodomu, ku buzuba obo. . .” Lino kuli kale nkamu izwidwe, amuyeeye. “Pele, mbuli mbo cakabede kaindi, cindi Mwana wa muntu aku yubununwa.” Amulange kuti mbuzuba nzi, amulange oko nko tupona!

¹¹² Lino waa pesya kuti nyika yoonse izumine busolozzi bwa sayansi ibwa mabambe aa zyalwiiyo ayo Saatani ngapa kuli nguwe kungsi lya zina lya mbungano, busolozzi bwa zyalwiiyo, mabambe aazya sayansi. Ndi mutondezuya kaleza ka nyika eyi.

Cindi walo, mbuli Eva, wakajisi nkukonya kuzulizigwa kwa Ijwi lya Leza mu janza lyakwe, na kabweza Ijwi lya

Leza. Pele ino wakacita nzi kuli Eco? Mubusena bwa kulindila lubapatizyo lwa Muuya Uusalala, kalekela sayansi ku mutondezya kuti Muuya Uusalala wakali buyo wa basikwiiya.

Mubusena bwa kubamba kuponesegwa kwa Buleza kuyabuya, kakuli weelede kuti eno kabusya bafu a kucita maleele mapati; waa lekela Saatani, kungsi lya busoloji bwa muntu mukombi, kubweza Ijwi lya Leza a kusola kwaamba kuti Lya kali ilya bukkalo bumbi. Elyo waa kacisyoma.

¹¹³ Kakuli, Bbaibbele lya kati, “I zintu ezyo Nzye cita muyo zicita azyalo.” Jesu wakaamba eco. “Ka muya mu nyika yoonse a kuyo kambauka Makani mabotu ku zilenge zyoonse.” Tu cili zilengwa. “Ezi zitondezyo ziyo batobela bantu boonse abo basyoma.” Ula cikaka coonse ca Ncico.

¹¹⁴ Ula kaka zigambyo zyoonse ziinda, alimwi waa Li sintanya ku kweezezya kwakwe kwa bupampu ku Bbaibbele; awo bapaizi, aa tegwa matata aasalala, oko mabishopo, ma archibishopo, oko baalu ba zyooko, balinguzi ba koonse, a bamwi bambi, babikka bupanduluzi bwabo beni kuli Ndilyo. Nkabela Leza wabasiya, kabakkede awo, kabafwide mbuli kalangabweeseme.

I zintu buyo zisyeele mu mazuba aku mamanino ni nkamu ya bana Pentekoste bace a nkamu ya ziimbo kabauma nguululu canguzu mbuli mbo bakonzya, kuzuza koonse akoonse ku zibuye, kwaambaula mu myaambo a koongolola, “a kuba a ciwa ca bukombi, pesi kaba kazya Ijwi lya mbubo.” Kubaambila ku bapatizigwa mu Zina lya Jesu Kristo; balaseka mu busyu bwako. Pele, kuti, Leza ula zumanana ncobeni kucibamba boobo mbubonya buyo, kutondezya Ijwi Lyakwe kuba boobo.

¹¹⁵ Amubone, musamu oyo Saatani ngwa kapesya Eva kulya kuli nguwo, wakali “musamu wa bubotu a bubu.” Wa kali musamu uusangene.

Lino amulange buzuba obo mbu tupona mo, cindi Nali mukwiita Nabwiinga. Uli jisi mbungano eyo iitaminina kuti iicita cibotu, kakuli ngu bubu, kwiinda mu kukaka Ijwi. I musamu uusangene. Oh, kwaamba, “Ba—ba jisi nsangano zipati. Ba—ba—ba—ba lagwasya *eci*. Nkabela Red Cross ila ciiminina. Nkabela a zikolo zyoonse, ba . . . Amulangisye awa!”

Oh, pele wakaka buyo Ijwi lyomwe, kwamana nkoeelede kucita kuti ufwe; tacikwe makani obo mbocili cabupampu, obo mbocili cibotu. Jesu wa kati, “I bumena buniini bufufumuna mulwi wa busu boonse.” Kabeela komwe ka bumena kalabisya mulwi. Ijwi lyomwe lya Leza, kugwisigwa aa busena bwalyo, cibisya Cifwanikiso coonse. Ino kujatikizya kuboko kwangu kuba awo tende lyangu mpo lyelede? Mwabona? Ino kuti kutwi kwangu awa aa busena janza lyangu mpo lyelede kuba? “I bumena buniini bula fufumuna mulwi wa busu oonse.”

Kwaamba, “Mbobuti mbo kaziba kuti Li liluzi?” Leza ula Li tondezya kuti Li liluzi. Ula Li simpikizya. Wa ka Lya amba awa mu Ijwi, mpawo Ula Li tondezya. Obo mbwe ziba kuti Li liluzi na pe.

Kukaka Ijwi lyomwe buyo kwamana nko citola kufwa. Lya kaleta micelo njiyonya mu bukkalo obu bubu, lufu lwa kumuuya, mbuli mbo cakacita lufu lwa kunyama ku mukowa woonse wa bantu.

¹¹⁶ Amubone obo Saatani mbwa kajata bukkalo obo bwa sayansi kaindi kuya, kwa Nowa, kuyaamina ku kumvwisya kwabo beni. Huh! I Bbaibbele lila twaambila, mu Tusimpi, “Muta yaamini ku kumvwisya kwanu.” Alimwi, “Amu leke majwi oonse aa muntu abe bubeji, aa Leza abe bwini.” Pele Saatani, kwiinda ku luzibo lwakwe, kuzwa ku matalikilo ku muunda wa Edeni, kabamba bantu ku yaamina ku kumvwisya kwabo beni. Alimwi, nywebo mulizi, kwiinda kuli milimo ya Max Factor wakwe oyo ngwa kajisi kuya, wa kabamba banakazi kubota loko cakuti cakapa bana ba bantu. . . bana ba Leza, mubwini, kuwa mu cibi a kuba kwata. Ncibotu. Walo. . . Banakazi bakali babotu loko, kweebeka loko.

¹¹⁷ Lino yebo watola mwanakazi buyo aa kagwagwa sunu. Bunji bwanu mwa kabala kaano; ta muna kamvwa, nkaambo kakaliko nke tana zyalwa. Pearl O’Brien, mbangaye baka sola ku mumvwa? Masimpe. Wa keelede kuba mwanakazi mubotu maningi mu nyika yoonse. Baa, kwiina mwana wa cikolo oyo uunka mu buyake bwa cikolo sunu pele wabota kwiindilila mbuli mbwa kabede. Nkaambonzi mbucibede? I bwebesi bwa banakazi buli muku citika mu mazuba aku mamanino.

Bala gela masusu aabo. Bala basamika mu madresi aa basimbi baniini. Bala sama tubbudula, a tubbudula twakusambya, elyo kufumbwa mbo twiita, aali mbabo. Bala nana misila, amafuta aakulibotya, a misyobo eyi yoonse ya zintu, ku babamba kuba cintu cimwi eco nco batali mbubo. Mwabona? Pele kwiinda ku luzibo lwa sayansi ba konzya kuzwidilila kucita eci. Sena mulizi kuli kubelesya kwamali kunji ku mafuta amapauda aakulibotya kwa banakazi, kwiinda aaliko, mu United States, ziindi zyobile na zyoatatwe kunji, mbuli kubeleseghwa kuli zyakulya zya kuponena? Kutondezya eco, mbo mbubo, ku mafuta aamapauda aakulibotya.

¹¹⁸ Amubone, “I bana balombe ba Leza bakabona bana basimbi ba bantu,” kutali bana basimbi ba Leza, “bana basimbi ba bantu, kuti bakali babotu,” Elyo cakapa bana balombe ba Leza kuceghwa mu lweeno olu lupati. “Elyo balabweza misyobo eyo ya banakazi a kuba kwata,” nkabela ca kaleta bukkalo bwa buvuule, mbuli buyo mbocibede sunu; mbuli mbo cakabede mu Sodoma, mbuli mbo cakaambwa kuba sunu.

Kuti, cindi baalumi a banakazi ba buzuba buno basintana bamakaintu. Ikuti na taba muyandi mukaintu ooyu, ba—ba lainka ku Reno, Nevada, a ku kwata; alimwi, na ku lekana, umwi oyo, a kukwata alubo mu maminiti aali kkumi aosanwe. Nkabela banakazi mbabotu loko cakuti catandila kuti tabakwe bukake. Nkabela ino ncenzi? I dyabulosi! Mwabona Saatani ucili mu bweebesi? Amuzibe.

¹¹⁹ Amubone, eco cibi kwiina nocaka jatilwa kuli mbabo. Obo bukkalo, bwa sayansi bweebeka bwakali bukkalo mbubonya ubi obo Leza mbwa kanyonyoona kugwisya ku busyu bwa nyika; bukkalo obo, bwa sayansi bubotu. Jesu wakati ciyooba boobo alubo kakutanaba buyo kuboola kwa Mwana wa muntu. Obo mbwini na? Amubone, Jesu wa kati, “Mbuli mbo cakabede mu mazuba aakwa Nowa, mbubonya mbo ciya kuba mu kuboola kwa Mwana wa muntu,” cindi boonse ni basola ku kwata... Lino amulangilile, “I bana balombe ba Leza bakakwata bana basimbi babotu iba bantu,” nkabela Leza kwiina nakaba jatila nkambo kancico.

¹²⁰ Mbubonya buyo mbuli lwiyo lwa Balamu, kuti wakacitya banakazi ba Moabu, babotu, bapampu, ba sayansi ku... a meso aabo aankwela, misila yakwe a mapauda, mapemfumu akwe mabotu, koongelezya bana balombe ba Leza; ku bisizya bamakaintu babo beni abo baka beleka a kuba azisutula mu maanza abo, kaba tananide misila. Kuboongelezya kuya, alimwi, “Atu kwatane umwi aumwi, nkaambo toonse tuli bantu bomwe.” Obo bwakali bubeji! Bwa kali i—i bubeji, a kuzwidilila kwa dyabulosi, ku bamba bana balombe ba Leza i—i kukwata bana basimbi ba bantu.

Bwakali bubeji bwa dyabulosi, nkambo Balamu, oyo musinsimi mubeji, kusola, kusinsima kulwana Musa oyo wakasola kuswaanganya mukowa antoomwe; ku kwaamba, “Ee, tula syoma Leza omwe. Tula tuula zipo zikozyenye. Tu jisi zituuzyo zikozyenye. Tula cita zintu zyoonse zikozyenye buyo.”

“Kutandila loko kuti inga ceena Basale ikuti cilakonzeka.” Mwabona? [Kabeela katakwe cintu aa teepu—Mul.] Kamuzwa kuli nguwe, no bantu! Ta mukwe cintu cakucita a nguwe!

¹²¹ Amubone, tii cakali kukonzeka kuti Leza inga wapandulula Ijwi Lyakwe ku nzyalani mbi ya Kaini. Peepe. Leza nataka pandulula Ijwi Lyakwe kuli mbabo. Amubone... [Kabeela katakwe cintu aa teepu—Mul.]

Leza, luzibo lwa kubamba nyika kuti iibote maningi a kuba ya sayansi akuba mbyaabi, We elede kwiinyonyoona na? Sa Leza inga wacita eco, kubamba nyika kubota maningi; amulange awa, Leza kabamba bana Bakwe basimbi kubota maningi, alimwi inga wabasamika munzila yabwaamu, kuti bana Bakwe basankwa babe aacisusi kuli mbabo alimwi kuti ba cite mamambe? Iinzi? Leza kucita cintu mbuli eco?

Eyi nkamu ya bana Laodikeya, ya cinswe iisamunwide, kaikomba kaleza ka nyika eyi, kwiinda ku milao yabo yakulilemeka, a lwiiyo, a ciimo cabusongo, a ciimo cabubotu! “Kamuzwa kuli nguwe,” Bbaibbele lya kaamba, “mutabi basizyaabilo ba zibi zyakwe, alimwi muta tambuli zipenzyo zyakwe.” Leza uyo usya civulamabwe kuzwa ku milengalenga buzuba bumwi, zipati mbuli kabeela kalema mapaundi aali mwaanda, nkabela uyo munyonyoona kwiinda muku muuma mabwe; mbuli Ijwi Lyakwe mbo lyakaamba lyoonse kuti Mbwa kacita, milao Yakwe.

Ee, ikuti Leza wakacita cintu mbuli eco, kayubununa Ijwi Lyakwe ku bantu bali boobo, inga Wa ba—ba uuzunda makanze Akwe Mwini. Leza tali mufubafuba. Ngu kasensa ka busongo boonse.

Aboobo mwabona awo cintu eco nko cakazwida? Ca kazwa kuli Saatani, alimwi cicili ca Saatani. Alimwi mbungano ya cisyoma.

¹²² Lino mwabona, no banakazi, Ndili mukusola mbwe konzya loko ku mutondezya Ijwi lya Leza. I Bbaibbele lya kati, “Ikuti mwanakazi wagela masusu aakwe, ula ubausya mutwe wakwe,” uli mulumi wakwe. Elyo mulumi wakwe ngo mutwe, a Leza, aboobo ulaubausya Leza a mulumi wakwe.

¹²³ Lino eci citondezya oyo uuli mutwe wa ziyanza ezyo zya mbungano ya nyika. Eco citondezya oyo uuli mutwe wancico. Ngu Saatani, mu ciimo ca muntu mulemu, muntu wa luzibo, luzibo lulemu. Ulizi kwiinda boonse bambi. Takukwe makani eco Ijwi nco lyaamba, uli—uli jisi bupanduluzi bwakwe mwini kuli Ndiliyo, mwabona, bupanduluzi bwa bukkalo obu bubi.

¹²⁴ Amubone makanze aakwe a kuyaka mbungano ndemu yakabungwe, World Council of Churches, mwabona, kubunganya kulemu, kutegwa nyika yoonse ika mukombe, cinyama, kungsi lya zina lya Bunakristo bukamantene. Sena inga mwayanda kubala eco mu Bbaibbele? Ciyubunuzyo 13:6 a 8. Ni ngazi impya ya Babelo.

¹²⁵ Sena ta muyeeyi obo Nimurodi, oyo sikuupaupa, mbwa kayaka ngazi mpati a kubamba miinzi yoonse iimbi kupa mitelo kuli njiyo? Babbe a Babelo ngu cintu comwe. Ucinca buyo mazina, alimwi, mbuli mbouboola kutala. Ngu, Rome eno ngu Babuloni. Nkabela nyika yoonse yaletwa ku Babuloni, alimwi ilaletwa mukati kwiinda ku World Council of Churches eyo iya bamba bantu boonse ku muktamina. Nkabela mwa bweza caando ca munyama, muktaziba eco ncoli mukucita. Nkaambo. . .

Pele abo balo basalidwe bayo mvwa Ijwi a kuzwa kuli ncico.

¹²⁶ Obo kabungwe mbo kaimpene ku Ijwi lya Leza! Kwiina na kajisi komwe, kwiina na kabeleka muli komwe, alimwi

kwiina nayooba kabeleka a komwe. Ndi yanda simakani aakale kunditondezya abusena aali oonse musinsimi uuli oonse mpa kazwa ku mbungano. Nditondezye awo Leza mpa kasola kuleleka mbunga eyo yaka... niyakamana kuba kabungwe. Ya kaleka kubeleka elyo ya kafwa, a busongo bwa bupampu buzwa kuli dyabulosi, kwiinda ku basololi babo, a kukaka Ijwi lya Leza mbuli Mbo lyaka komena kuba ciimo cilondokede ca Kristo. Lino cili ku mutwe. Obo mbo ciimpene!

Amwaandane kuzwa kuli Eva oyo uutasyomi, nywebo no bana ba Mumuni waku mangolezya!

¹²⁷ Saatani, kaleza ka bukkalo obu, kwiinda ku luzibo lwakwe, kubamba bantu kulya ku musamu uusangene wa bubotu a bubu. Amubone, Saatani, kwiinda ku luzibo lwakwe, kucitya bantu ba bukkalo obu bubu kulya ku musamu wa bubotu a bubu. Wa amba kuti uyaka lusumpuko lwa Bunakristo lupati loko, kwiinda ku luzibo lwakwe lwa bubotu a bubu, lusumpuko lwa Bunakristo lupati loko.

¹²⁸ Pele Nakalindu muniini wa Kristo, Katanga, Ijwi, Musimbi, Nabwiinga, taakwe makani aa luzibo lwakwe. Uula bamba, walo, kuzwa kuli nguwe. Ino ncinzi... Lino atwaambaule zya Nguwe, kwa kaindi kaniini. Ula lindila Mwami Wakwe a kupumuna kwa banabukwetene bupya ibwa Mileniamu Yakwe, ncibotu, a Simusa wa Ijwi, mbuli Mbwali Nabwiinga iwa Ijwi.

¹²⁹ Luzibo a lusumpuko, a Bunakristo bwini, ta bujisi cintu comwe ciziswaanganya. Lusumpuko, a Bunakristo bwini, ta bujisi cintu comwe ciziswaanganya.

Lusumpuko nkwiinda ku luzibo. Tu lizi eco. Nkabela luzibo luzwa ku Edeni, ka citondezya, kwiinda kuli eco nca kakambauka mu Edeni. Nkabela luzibo luleta lufu. Sa eco mbombubo? Ino ncinzi cakaleta lufu mu muunda wa Edeni? Luzibo. Pele talu konzyi kuba lwa Leza, aboobo ndwa dyabulosi. Fyuu, eco cali cimwi cibotu! Luzibo, sayansi, lwiiyo, ncintu cipati maningi cisinkila eco Leza nca sola kuba aco. Ndwa dyabulosi.

Lino Njo leta magwalo amwi aali eco, Ndi lizyi. Ndi lindila mbabo.

¹³⁰ Amulange eeco cilengwa omo mocatubikka eno. Mwabona? Amulange eco nce cacita. Ino mpaali mpotubede? Twa yaama ku zintu ezyo, kwiinda ku kumvwisya kwesu kwini kwa sayansi yesu.

Yebo waamba, "Ino kujatikizya Leza, uyeeya kuti Walo tazi?" Oh, peepe.

Leza uyo yaka musyobo Wakwe Mwini wa lusumpuko aa nyika, cindi Ayi yendelezya. Eyi ni nyika yaa Saatani; ngu kaleza eno ka luzibo lwakwe lwanyika ya sayansi. Pele Leza uyo yaka musyobo Wakwe Mwini wa lusumpuko. Ta lukabi lusumpuko mbuli olu. Nywebo mula yeeya eco. Ta lukabi musyobo wa

lusumpuko ndo tujisi pe. Peepe, peepe. Lu yooba mbuli Ijwi Lyakwe a bukanze Bwakwe. Nkambo, kaleza ka bukkalo obu buliko kayo nyonyoonwa, a bwami bwakwe a nguwe.

¹³¹ Obu bukkalo buyandisya luzibo lwasunu talukonzyi kuba a musololi mubotu kunze lya umwi ngo bajisi, Saatani, sikupilinganya Ijwi lya Leza, mbuli mbwa katalika mu muunda wa Edeni, pele muntu wabukombi ka yaamina ku kumvwisya kwakwe kwini.

Mbuli mbo Nda kaamba kale, Tusimpi 3:5, kuti, “Ta tweelede ku yaamina ku kumvwisya kwesu kwini.”

Ba leelede kuti bajisi kaleza, nkambo mbantunsi. Nekubaboobo, ula babamba eco nco bayanda. Mbuli kuba muntunsi, lyoonse, boonse bantunsi. . . Cindi nitwa kaboola kuno, twa kajana bama India akwalo kabakomba zikozyanyo, a zuba, a zintu zyoonse. Mbuli muntunsi, ba leelede kuba a kaleza. Aboobo obu bukkalo bupati bwabupampu bulelede kuba a kaleza, aboobo bwaba. . . I kaleza ka nyika eyi bwaba luzibo, kabungwe, sayansi, “kuba ciwa cabukombi, pele kukazya Nguzu zya mbubo.”

¹³² Amubone, kaleza kabo ka babamba buyo eco nco bayanda. Ba laba acisusi ca nyama, elyo nce cico nco kabapa. “Ba yanda kusama tubbudula twa kusambya. Ku balekela ku tusama. Mwabona? Ikuti na bayanda kucita *eci* na *eco*, kala balekela kucicita. Kwiina bubi muli ncico; ba launka ku cikombelo. Banyina bakali Methodisti, Baptisti, Pentekoste, Presbyteria. Ku balekela buyo kucita balikke.”

Ako nkaleza ka bukkalo obu; kacenjede, kabusongo, ka sayansi. Ta kayandi lusyomo. Ta keelede kutondezya kufumbwa cintu pe. Ca katondezegwa kale, kwiinda ku luzibo lwabo. “Ee, tuli mbungano mpati kwiinda eyo iili mu dolopo,” luzibo lwabo. “Mweembeli wesu uujisi D.D., Ph. D.” Mwabona, ta bayandi lusyomo; bayaamina ku luzibo. Ula balekela kupona mu nzila iili yoonse, kufumbwa kuti ka baboola ku mukomba kwiinda ku kabungwe kabo a kansiyansiya. Kuli liso lipati lisiya kuya, pele amuli lange.

Balaseka ku Ijwi lya Leza, kwaamba zintu ziimpene ku Ijwi; a kusola, kwiinda ku luzibo lwabo, ku tondezya mu nzila ya sayansi kuti Ijwi talili bwini pe. Oh, ino mbukkalo mbo tupona mo! Mwabona na kaleza ka bukkalo obu?

¹³³ Amubone, pele Leza ula lindila mane milandu ya Amori abo basunu izulile. Muta pengi, Uyo bamba Musa Wakwe kalibambilide ku ciindi eco. Ku yooba kulonga, buzuba bumwi, kuya ku nyika ya cisyomezyo. Ku yooba Musa uyo boola antoomwe, oyo uyoita, “njoboozya Lusyomo lwa bana kujoka ku matata.” Ci yoosika, bumwi bwa mazuba aya. Sena. . .

Yebo waamba, “Ee, ko langa mbo tuli mukusumpuka.”

Masimpe, milandu yaba Amori taina zula pe. Ci yoosika, bumwi bwa mazuba aya. Amu baleke bali nyonyoone beni.

¹³⁴ Lusumpuko, luzibo, lupilinganya Ijwi lya Leza kuti kweelele kuyandisya kwabo beni. Tubungwe toonse tula cita cintu nciconya. Saatani mpawo ulakambauka lwiiyo lwakwe mwini aa luzibo mu mbungano yakwe mwini.

¹³⁵ Kuli nkamu zyoobile buyo zya bantu zyakaambwa mu Cizuminano Cipy. “I bana ba Leza, a bana ba dyabulosi.” Sena mwakalizi eco? Muyanda kulemba Lugwalo aa mapepa lwa ncico na? Mutaanzi Johane 3:10, ikuti na muyanda Lugwalo. Nda lubala ndyoonya awa, Ndi lulembede aa pepa. Ncibotu. Ncibotu.

¹³⁶ Mu ba Efeso 2:2, bala tegwa, “I bana batamvwi.” Mbuli Eva mbwa kabede, kutamvwa ku Ijwi lya Leza. Kuli bana bamvwa, a bana batamvwi, taba jisi cintu ciba swaanganya.

Mpawo mbobuti Nabwiinga wa Kristo mbwa konzya kubeleka aamwi mu kabungwe, kakuli umwi ngu sikutamvwa a umbi uumvwa? Mbobuti umwi, mbwakonzya kuba Ijwi; elyo umwi umbi, ijwi lyakapilingana? Mbobuti sikuvuula a mwanakazi uusalala mbo bakonzya kweenda antoomwe mu kuzuminana? Ta bakonzyi kucicita. Ta bakwe luswaanano noluceya. “Kamuzwa aakati kabo!” Nca dyabulosi. Ngu caando ca cinyama. Kacisololela moonya muli ncico eno; tubungwe toonse. Ta ndikwe makani na nguni.

Leza ulimu kubweza, kutali kabungwe, “i bantu ku Zina Lyakwe.” I kabungwe taka konzyi kutambula Bwini obu. Ci yootola muntu cigamimina oyo ukonzya kubona Leza, kulanga aa Ijwi Lyakwe a ku Li syoma, a kuta zulilwa ku kabungwe; pele kuponena Leza, kutali kabungwe kakwe, busongo bwabupampu bwa bishopo umwi na cintu cimwi nca ciiisya. Mbo mbubo.

¹³⁷ I bana batamvwi, a bana bamvwa, taba jisi cintu ciba swaanganya. Umwi wa...ngwa buzuba bwa Mumuni; umwi umbi, wa masiku a mudima, bukkalo bubi, obu bukkalo bubi bwa mudima, masena aa masiku amakoko aakulisangabalisya, zizyano, pesi bazulilwa ku mbungano. Cili kabotu ku kaleza kabo. Ta bakwe kulimvwa mulandu kujatikizya ncico; kwiina cintu cibapenzya.

“Baa, ta cindipi mulandu kugela masusu aangu,” mwanakazi wa kaamba. “Ta cinyonganyi manjezeezya aangu.” Ta cijisi manjezeezya biya mbuli nzoka mboi ta jisi tusolo. Mbo mbubo. Tacili obo ncobeni. Tazi kuti manjezeezya caamba nzi. Aka simbwa canguzu loko kusikila takonzyi kuziba akwalo eco mbocibede. Mbo mbubo.

¹³⁸ Kweenda koonse, ku Ijwi lya Leza, kwaamba, “Baa, oyo ngu mudaala wa ziyanza zya kaindi loko. Muta inki kutala kuya; ni nkamu buyo ya coongo a kukwankwana, kwabo.” Huh! Taizi biya kujatikizya Leza mbuli muna Hottentot mbwanga taaziba simp i muna Egepita. Mbo mbubo. Cili bwini.

“Bala ciwa cabukombi, pele balakazya Nguzu zya mbubo; kobafutatila bali boobo. Nkambo oyu ngo musyobo wa bantu baunka kuzwa ku ng’anda kuya ku ng’anda, a kusololela banakazi bafubafuba.”

“Oh, oyandwa, uli, weelede kucita *eci*. Oh, oyandwa, Ndi yeeya kuti mukambausi wako mudaala wa ziyanza zya kaindi kunselelo kuya, ikuti yebo buyo... Oh, yebo inga waboneka kabotu cankwela mu tubbuduula twakusambya,” na kufumbwa mbo mwiita cintu. “Yebo, ikuti na wacita koonse *oku, oko, a kumbi*. Baa, musanga muniini tauko nyonganya muntu pe. Ndi zulilwa ku mbunga, alimwi ulizi kabungwe kesu kali muciiimo cilemekwa mbubonya mbuli ca muntu uuli oonse.” Sena ula syoma oyo sikubeja mudaala uulisakatide. Ula kubejela. Mbo mbubo. Iyi, munene.

¹³⁹ Cili kabotu ku kaleza kabo. Oh, ula yeeya eco kuti ncibotu, alimwi bala kayanda buyo nkambo kancico.

Ma, bala kukazya. Bayo ima ncobeni kumbele a kukwankana kuli nduwe kujatikizya ncico. Baa, masimpe, Saatani wakaima ncobeni mu busyu bwa Jesu Kristo, Ijwi, a kusola kwaamba, “Kuli lembedwe.”

Elyo mpaawo Mpa kabede, Ijwi lya Leza lyaka simpikizigwa. Wa kati, “Kozwa kuli Ndime, Saatani!” Koenda buyo a kucita cintu nciconya.

Mbuli mulombwana wakati kuli ndime ciindi cimwi, kati, “Lino, ikuti na ula syoma lubapatizyo lwa Muuya Uusalala kuti luli luleme, alimwi ula syoma kuti uli Lu jisi,” kati, “eno yebo konduumu ndofwaale.” Oyo wakali mukambausi. Kati, “Yebo konduumu ndofwaale!” Wa kati, “Paulo wakauma i—i muntu kuba moofu buzuba bumwi.”

¹⁴⁰ Nda kati, “Badaala, mbobuti mbo Ndi konzya ku kuuma kuti woofwaale kakuli wakoofwaala kale? Mbobuti mbo Ndi konzya ku kujaya kakuli yebo ufwide kale?” Uh-huh.

Wa kati, “Mebo, meso aangu akubona kabotu kweendelana ku kupimwa!”

Nda kati, “Cibeela cako cakunyama; pesi ucofweede.”

“Ta cikonzeki! I Bbaibbele tali pandululi zintu. Tu kanana awo Bbaibbele mpoli kanana, a kuumuna awo Mpo lyuumwine.”

¹⁴¹ Nda kati, “Ncibotu, cindi Eliya nakali kunselelo ku—ku Dotani, mwabona, mpaawo kwa kaboola impi yoonse ya bana Syria kuzyunguluka. Elyo muzike waka zuzila kutala, a kwaamba, ‘Oh, ba taata!’ Kati, ‘Ba taata,’ kati, ‘bana Syria batu zyungulika.’”

“Eliya wakakumba meso aakwe, kasinsimuka a kwaamba, ‘Kuli banji andiswe kwiinda baliko a mbabo.’”

“Wa kati, ‘Ta ndi bwene muntu.’”

“Kati, ‘Leza, kojula meso aakwe.’ Lino, wakali moofu. Elyo wa kalanga koonse ku musinsimi oyo mudaala, alimwi aa zilundu; kwa kazwide Baangelo, a nkalaki zya Mulilo, a mbizi zya Mulilo.”

“Elyo wakeenda kuzwa awo, nkabela Bbaibbele lya kati, ‘Wa kabauma kuti bofwaale.’ Kofwaala kunzi? Kuli nguwe. Wa kabeenzya kuzwa, kaamba, ‘Sena mu yandaula Eliya?’”

“Iiyi, tu yandaula nguwe.”

“Kati, ‘Ka muboola, Njo mutondezya oko nkwabede.’ Eliya kabasololela kuya kuli Eliya. Kabofweede!”

Nda kati, “Sena ulizi eco nce Ndiyo amba kuli nduwe? Mbubonya buyo eco Mwami wangu nca kaamba kuli uso, ‘kozwa kuli ndime.’” Uh-huh. Uh-huh.

¹⁴² Amubone, bana bamvwa, a bana batamvwi, taba cijisi cintu ciba swaanganya. I batamvwi bakomba kaleza kabo. “Oh,” ba laamba, “Tula syoma Bbaibbele.” Iiyi, musamu uusangene. Mwabona, bala yungizya nyika a luzibo kuli Ndilyo. Musamu wa Saatani, uusangene; mwabona, waa kalya kuzwa ku musamu wa Saatani, bubotu a bubu. “Oh, tula syoma Ijwi.” Masimpe, pele talili koonse kwa Ndilyo. Eva wakasyoma Ijwi, awalo, pesi wakalekela—wakalekela Saatani kulya ku musamu wakwe a ku Li pilinganya asyoonto loko. Obo mbo cibede.

“Kufumbwa muntu uyo yungizya ijwi lyomwe, na kugwsya Ijwi lyomwe kuzwa kuli Ndilyo.” Ucili ngu mbobuca nguwenya, sunu, amuya myaaka! Amubone. Ncibotu.

¹⁴³ Obu bukkalo bubu mbwa mudima, nekubakuti buzulilwa ku mbungano. Kaleza kabo, bala kayanda nkambo ka ncico, nzila mo kabalekela kucita. Tabakwe kulimvwa mulandu. Kwiina cintu ciba penzya kufumbwa kuti kaba zulilwa ku mbungano.

Balamu wakaiisya mbungano cintu nciconya. “Atu kamantane; toonse tuli bamwi.” Oyo wakali mulimo wa mancenjela aa mamanino. Leza kwiina nakaba jatila ku kusyoma bubeji buli obo.

¹⁴⁴ Amuyeeye, cakali cibi citakwe bujatile, ziindi zyotatwe mu Bbaibbele, nkambo kufumbwa muntu uyungizya ijwi lyomwe lya bupanduluzi bwabo beni ku Ijwi lya Leza Lya mana kusimpkizigwa kuba Bwini.

Mu muunda wa Edeni, ncibotu, mu muunda wa Edeni, ijwi lyomwe lyaka yungizigwa lyakaleta lufu.

Cindi Balamu naka yungizya ijwi, kuti, “Toonse tuli bamwi,” balo, Leza kwiina nakaba jatila Israyeli kuli eco. Boonse babo baka nyonyooka mu nkanda, cita buyo botatwe abo Leza mba kagwisya.

Jesu wa kati, “Balo, boonse bantu, balifwide,” oko nkwananisisigwa Cabutamani. Boonse baka nyonyooka; kwiina nobaka jatilwa. Ngu cibi citakwe bujatile; kwiina nakaba jatila. Oh, ma!

Amu citije, no bana ba Mimuni yaku mangolezya!

¹⁴⁵ Amulange eno oyo uuli musololi wa bukkalo obu, bwabukombi, ibwasunu? Ngu dyabulosi, kabweza musamu oyo wa bubotu a bubi, a kuubikka abusena awo, amubone, kaleta nabwiinga wa mbungano yakwe yeebeka ku nkamu ya mabungano oonse a bunakristo ku mucado. Eyo njimwi mbotu. Mbungano yakwe yeebeka ya sayansi, a oonse i—i—i madigri ayo aakonzya kujanja; Ph.D kuzwa ku mbungano ya Kristo, Ph.D kuzwa ku Baptisti, ya Presbyteria, yaba Pentekoste, a boonse. Kubaleta boonse, a misamino yabo iisakatidwe a mabungano mapati, oonse ku nkamu ya mabungano oonse aa banakristo, “Toonse tuli bomwe.” Ta cika jatilwi pe. I kabungwe, kusama impa ya kabungwe, ngu caando ca cinyama. Twa kamana ku cilangalanga kuno; ku cicita. Amu citije, no bana, amu citije! Mwabona? Mbungano, mpati yeebeka ku musamino wa mbungano zya bunakristo zyaandene, kusama caando cakwe!

Tubbudula, masimpe, kusama kwanyika, kwankwela, kupenta, basikwiiya babotu ncobeni ba dyabulosi, kuti bajate bana balombe ba Leza; kukwata mulombe mubotu wakazyalwa kakkwene kumulobosya kuya ku muzangi umwi mudaala mbuli obo. Mbo mbubo. Ino i . . .

¹⁴⁶ Yebo wa kati, “Kugela masusu, ino eco cila acakucita nzi?”

Mukwesu, atwiime awa kwa kaindi kasyoonto. Nda mwya biyo kuti muntu umwi wacimwa kuli eco. Kwayanda uli ku busena ku luwaile kubusena bumwi.

Amuswiilile. I masusu ku mwanakazi ngu cikonke ca Munaziri. Masusu kuli Samusoni cakali cikonke ca Munaziri. Elyo cindi mwanakazi agela masusu aakwe, ula—ula kaka kumaninina cikonke cakwe ca Munaziri obo mbwabede Nabwiinga kuli Kristo. Nkaambo, kuya, eco cintu comwe, ula nyonganya Cifwanikiso coonse. Kuli luleme! I *Munaziri* ngu “umwi oyo wakasalazigwa ku bukanze.” Sa eco mbombubo? Samusoni wakasalazigwa ku ciindi cakukomena a ku bukanze, aboobo wa kajisi masusu malamfu. I mwanakazi uli ngu mwana wa Leza, ula lekela masusu aakwe kulampa, ku tondezya kuti ulisalazidwe ku Ijwi lya Leza lyoonse.

¹⁴⁷ Ikuti na waagela, Ta ndikwe makani obo kunji mbwa zyana, kwiimba, kuti uli mu kkwaya, mbwa kanana mu myaambo, mba zuza koonse akoonse, na ulijisi misyobo yoonse ya nkamu zya lugwasyo, uli fwide. Obo MBUBOBU MBWAAMBA I MWAMI, Ijwi lya Leza. Bataanzi Bakorinto 14. Inzya. Waa kaka cikonke ca Munaziri a kwaabwa ku kaleza ka bukkalo obu wasunu. Ula cicita. Lino, mause kuli nduwe, o mulindu, na mwanakazi!

¹⁴⁸ Basikucega kasimpe ba bana balombe iba Leza, mbuli mbo cakabede. Mbuli Jesu mbwa kaamba, “Mbuli mbo kwakabede mu mazuba aakwa Nowa, banakazi kubota, nkabela bana balombe iba Leza bakatalika kukwata aakati kabo, mbubonya mbo ciyakuba cindi Mwana wa muntu aajoka.” Elyo kaleza kabo kayeeya kuti ngu luzibo, lupati, a lubotu, alwa sayansi; ciyanza ca Hollywood, cisakatidwe mu cintoolo cakwe mwini, masimpe, kabuteteete akunamatila koonse oku kuli awa a zintu, nywebo mulizi.

¹⁴⁹ Elyo yalo, mbungano yakwe, ila ciyanda buyo! Oh, ma! “Njo kupa kuti umvwisye, ndili muna Methodisti. Ndili muna Presbyteria. Mweembeli wesu ujisi kuyeeya kubotu kwiinda kwaamba cintu mbuli eco.” Ta jisi kuyeeya ku kkwene kwa kwaamba zintu ezyo Leza nzyaamba mpawo. Mwabona?

¹⁵⁰ Walo, mbungano, ila cikomba buyo. Ula ciyanda. Eco buyo ncakali kuyanda! Ta toli lubazu ku cintu pe, mukwesu, na kuta njila cintu omo mwaelede kulilemeka mbuli cintu cimwi caandene kuzwa kuli ba Jezebele aba basunu, nkambo obo mbo bupange buli muli nguwe.

Mbobuti mbo konzya kuba bulenge buli boonse. . . “Nguni uulibilika uukonzya kuyeeya kuyungizya kabeela komwe ku ciimo cakwe?” Ikuti na wakazyalwa kuba mulamfwu wa tukokola tuli musanu, tokabi wa tukokola tuli cisambomwe. Oh, inzya, mbuli “muncina wakulampya” wa Booth-Clibborn.

¹⁵¹ Mpawo amuswiilile, no baalumi, nywebo no nkamu yaba Ricky! Ikuti na wakazyalwa kuba mwaalumi, nkokuti kolilemeka mbuli mwaalumi. Ezi zyooso zya masusu zilengelela ku busyu bwako, a kuzingwa mbuli kukwelelezya kumwi kwa nkwela, baa, uli nzyalani ya kapilingana ya nzoka! Ino ndi penzi nzi kuli nduwe, akwalo?

Leza wangu uyo beteka cisi eci buzuba bumwi a mulilo. Uyo ibbizya kungsi aa lwizi. I oora lya lubeta Lwakwe lili afwaafwi. I nyika yoonse iyounka.

¹⁵² Lupilingano lwa bukombi! Lupilingano lwa buntu; baalumi tabazi akwalo na mbajembwe na mbazyazi, abalo banakazi tabazi. Kabaimvwi mu busame bwa ovolosi, kabbudula kaniini kakaindi, zisani ezyo. . . kweenda kwakwe koonse a ciimo ca mubili wakwe, a kuliita kuti Munakristo. Tali mulindu akwalo, muleke alikke Munakristo. Ngu sikuvuula wa mu tugwagwa ubelesegwa aa Saatani, kananikwa aa Saatani, ku tuma bana balombe iba Leza kuya ku gehena, kuzulizya Ijwi Jesu Kristo ndya kaamba kuti liyo citika. Ta ndi cipandululi kwaamba eco, pele Wa ka caamba, akwalo. Mwabona oko muuya oyu wabukombi nkouzwa? I musamu uusangene.

¹⁵³ Waamba, “Ino ncinzi cilubide ku tulukwe tutasoolokede,” na kufumbwa mbo baciita, “zilukwe zigonkolole zya banakazi?” na kufumbwa mbo cibede.

I Bbaibbele lya kati, kuti, “Kufumbwa mwanakazi oyo uyo sama cikobela ca mwaalumi, ngu cisesemyo mu busyu bwa Leza.” Eyo ngu MBUBOBU MBO LYAAMBA BBAIBBELE.

Elyo mwanakazi uyo gela masusu aakwe, ulaubausya mutwe wakwe. Elyo akwalo takwe...Ngu cintu cibyaabi ku mwanakazi kutuula mupailo ka jisi masusu mafwaafwi, Bbaibbele lya kaamba obo, mu kukomba mu buleya a mutwe wakwe kauta vumbidwe. Elyo kwakwe...

Oh, yebo waamba, “Nda sama ngowani.”

¹⁵⁴ Yebo sikuupaupa, uyiisya banakazi zintu zili boobo! Kakuli, Bbaibbele lya kati, “Masusu aakwe akapegwa kuli nguwe kuba civumbyo,” kutali ngowani imwi yakapangwa aa bantu. Obo mbo lya kaamba Bbaibbele. Ta ndijisi cakuvwiilila; Ndi jisi buyo mulimo wa kwaamba Bwini. Utabi uutasyomeki, mbuili Bbaibbele mbo lya kaamba, “Kubisya Ijwi lya Leza mu lweeno,” ku—ku bamba na—na kukkwanya kuyandisya kwa nkamu yaba ricketta.

¹⁵⁵ Ndi jisi ibbala awa lya *bubi*. Ndi jisi “Elvis” lilembedwe aa pepa mubusena bwa *bubi*. Ngu cintu comwe biyo. I bbala *Elvis* lyaamba “kaaze,” nkabela ibbala *Ricky* lyaamba “mbeba.” Cindi waamba kuti “Ricky muniini,” yebo waamba, “mbeba niini.” Obo mbo mwiita, obo mbwabede. Mwana wako wakaulikwa obo, koli cinca cakufwambaana, ku kaambo ka Makani mabotu. Uta uliki mwana...

Tona mvwide mazina aali boobo kaindi mu Bbaibbele, na mu bukkalo buli boonse bumbi. Ngo bukkalo, zina lya bukkalo obu. Nakwa kasola kuba mbeba a bakaaze bakapilingana, mbaabo we.

¹⁵⁶ Zyoonse ezi...?....basikwaanza manyimbo aajisi mpuwo loko bala mamilioni aa madollar, elyo bana aba kabeenda a masena aya, konzyi akwalo kuya ku—ku cikolo ka kutakwe cintu cisekkedwe mu matwi, a ka redio kabelesya tranzisita kaniini kakaindi mu nkomo zyabo, buyo, “bbuumu-a-buumu.”

Oh, baka boola kuya ku ng’anda, elyo twa kabamba... Balo balombwa kaba sola kupenta ng’anda yangu kutala kuya. Twa kati, “Amu gwisye cintu eco awa. Ikuti na tamukonzyi kubeleka kakutakwe eco, nkokuti amuleke ncito. Cila cinyonganya loko cakuti ta Ndi konzyi akwalo kwiima koonse awa. Twa katuula busena obu kuli Leza. Ta tuyandi musyobo oyo wa bufubafuba bwa zizyano zyakuliyumba kufwambaana zya mazuba aya aa mamanino abusena awa.” Nda kati, “Ko cijala na pe koleka ncito!”

¹⁵⁷ Amubone, basibukombi, nekuba, oh, masimpe, kuunka ncobeni ku cikombelo a kwiima mu buyake bwaanze, aku swiilila ku zizyano zyakulyumba cakufwambaana.

¹⁵⁸ Akwalo, amubone, Nabwiinga wa Ijwi iwa Kristo nkwaya, awalo. Mbuli mbo tubona oko sinkondonyinakristo ulasololela, katalika kaindi kuya elyo eno uboola ku mutwe; nkamu ya mabungano oonse abunakristo ayo cibikka ku mutwe wa bupaizi. Nkabela Mbungano niini eyo iboola aambali, ayalo, Nabwiinga wa Ijwi iwa Kristo mu ciindi coonse ca bukkalo, boola ku Mutwe, nkambo Uyo joka ku kamantana mu Mulumi Wakwe. Lyoonse, mbuli biyo mbungano a zintu zyoonse zimbi, I leelede ku kamantana. I Maila, zintu zyoonse zimbi, zila joka nkoonya ku mutwe oko nko zyaka talikila; mbuli Kaini a Abela. Nabwiinga wa Ijwi kasololelwa mu Muntu wa Ijwi lya Leza wayubununwa mu bukkalo obu bubi obo mbo tupona. Mwabona oko nko cisololela?

¹⁵⁹ Elyo Saatani cakufwambaana uyo bweza nabwiinga wakwe wabupampu a kusumpula umwi oyu mupati, uuli ngu sinkondonyinakristo, ziyanza zya zyuuno, a kumubikka a cuuno, “elyo nyika yoonse iyo gambwa ku cinyama.”

Elyo mpawo Kristo uyo boola. Elyo bobile taba konzyi kuba mu ciindi comwe. Elyo bwami bwakwe buyo tolwa; uyo nyonyoonwa.

Elyo Kristo, Ijwi lya Leza. . . Lyalo, mwanakazi ncibeela ca mubili wa mwaalumi. Ta bali bobile; bali bomwe. Elyo Nabwiinga, Mbungano, Ijwi, “i bantu bakaitwa *awa* a ko *kuya*, nkambo ka Zina Lyakwe,” bayo kamantana mu Mubili wa Jesu Kristo.

Elyo bwami bwa sinkondonyinakristo buyo saalwa a kunyonyoonwa. Elyo Kristo uyo bweza cuuno cabwami, a kukkala aa cuuno cabwami ca wisi Wakwe Davida, a kulela aatala aa nyika kwa myaka iili cuulu; mpawo aka tuule Mbungano kuli Leza, “iitakwe kaimba na impu.” Iyiyi!

¹⁶⁰ Lino amubone masusu aakwe malamfu, cikonke ca Munaziri ku Ijwi. Njo tondezya Nabwiinga wa Kristo eco. Tula tondezya sinkondonyinakristo, oko nkwabede, sibukombi a zintu zyoonse, sayansi. Lino Nabwiinga muniini mubombe wa Kristo usyoma buyo Ijwi, kufumbwa muntu Mbwabede. Mbanu bacigaminina. Nda syoma a kuzumina kuti kuli banji bakkede lino, banji baswiilila ku maredio. Elyo Nda syoma kuti lwangu, alimwi nyoonse nywebo, muli cibeela ca Nabwiinga oyo. Nda syoma mbanji. Elyo, ci yooba, abo boonse bakasalwa kuli eco bayooba eco, nkaambo mbulenge bwabo. Ba labona. I Ijwi likonzya buyo kuziba Ijwi. Tali konzya kuziba kabungwe na lupilingano. Li lizyi kabotu; Ngu Ijwi. Mwabona? Ta likonzya kuziba cintu. . .

I maila taakonzyi kuba cimbi pele maila. A katalika, i maila; ayooaba, i maila. Nkabela insaku tai konzyi kuba maila, nekubakuti ila tilailwa a bunanike bomwe. Mwabona? Pele taili maila. Mbuli mbo Nda kaamba buzuba bumwi, kujatikizya musamu uujiisi mitabi yandeene muli nguwo.

¹⁶¹ Masusu aakwe malamfu, cikonke ca Munaziri, citondezya kuti Wa kakonka kuli Leza. Cikobela cakwe cibotu ca mulimo ca Ijwi Lyakwe lyaka syomezegwa ilya bukkalo obo Mbwa pona mo, Uli samikidwe koonse, ka Mu tondezya a Nguwe, caba Hebrayo 13:8, “Jesu Kristo mbobuca nguwenya, sunu, amuya myaaka.” Mbuli, Ngu cibeela ca Simusa wa Ijwi, kali bwini kuli Nguwe mu mbaakani yoonse.

¹⁶² Lino amulange. Kuti na mwanakazi waunka kubusena awa a kukwatwa ku mwaalumi, nkabela waa unka kubusena a kuyandana a mwaalumi umbi a ku lalana anguwe, nkabela wajoka ku mwaalumi wakwe, weelede ku mutanda. Sa mbo mbubo? We elede kuba uusyomeka kuli nguwe, nkaambo waka konkezya kuli nguwe.

Elyo Nabwiinga wa Kristo uli konkede kuli Kristo; alimwi Ngu Ijwi.

Kutali akwalo kufwinyina ku lubazu lumbi, mwanakazi taelede akwalo kufwinyina mwaalumi umbi. Ta elede kubamba zitondezyo, kwiina kunyanyamukwa nokuceya kuli nguwe, nkambo ngu nabwiinga ncobeni kuli sibwiinga omwe.

¹⁶³ Ta tuyandi umwi wa masamu aasangene, tubungwe twanu. Amu syomeke kuli Kristo, Ijwi. Uyo Li simpikizya kuba lya bwini. Peepe, munene, kutali akwalo kunyanyamukwa kuli koonse kwa cintu cili coonse kuli nguwe kubamba luyando, kutali kasangana nkamu zyakwe zya bantu na kufumbwa cintu cimbi, na ku mulekela ku kunjizya mu maboko aakwe na mu kulanganya kwakwe, na—na kwaambaula kuli nduwe ku nzila *eyi*, nzila *eyo*.

Ko swiilila buyo ku Jwi lyomwe. “Mbelele zyangu zilizyi Jwi Lyangu. I mweenzu tazika...” Niinzi Jwi Lyakwe? Kufumbwa jwi lya muntu ndi ijwi lyakwe. Nkabela eeli nde Ndilyo, Bbaibbele, taakwe ijwi lyomwe lyelede kuyungizigwa kuli Ndilyo na kugwisigwa kuzwa kuli Ndilyo. Kokkala buyo ncobeni a Jwi eelyo. “I mweenzu tazi ka mutobeli,” i kabungwe.

¹⁶⁴ Mbuli, Ngu cibeela ca Simusa, kusyomeka kuli Nguwe ku mbaakani yoonse, kalindila Mucado. Kukamantana, kutali mu nkamu ya mabungano oonse aa bunakristo; pele mu mulengalenga, ku Cilalilo ca Mucado. Wa pegwa... Eci nco mbungano yesu iini. I. . . Wa pegwa, a kuyubununa kuli Nguwe, maseseke aa Cinamatizyo ica Ciloba aa Bbaibbele. Mwabona? Ula bona bufuba bwa silweeno, kutandila loko kukozyanya ku Bwini, a kutandila kucenga Basale. Ula cibona. Ula . . .

¹⁶⁵ Mwabona myuuya yobile iikazyanya kaibeleka mu bukkalo obu bubu? Sena mwakonzya kucibona? Umwi aumwi mukombi maningi, Kaini a Abela, myuuya alubo kaiboola ku mutwe wayo, icili njiyonya mbuli mbo yakatalika. Umwi, kakomba kwiinda ku bweebesi, a kwiinda ku luzibo, a kwiinda ku lwiyo, a kwiinda ku sayansi, a kwiinda milao yakulilemeke.

Elyo Umwi uumbi, kwiinda ku lusyomo lwa ciyubunuzyo ca Ijwi Iya Leza. Boonse balo kabaimvwi moonya mu buyake obu cifumo cino. Mbo mbubo.

¹⁶⁶ Ciyubunuzyo, na lusyomo, mu Ijwi Lyakwe, tabambi kutaminina kwa luzibo; Munakristo, wini ncobeni.

Ba laamba, “Sena uli jisi i—uli jisi i digri Iya bwiiyi?”

Tabambi kutaminina. “Nda—Nda syoma Ijwi Lyakwe.” Mwabona? Tabambi kutaminina kuli koonse. Tataminini kuba uyiide. Tataminini kuzulilwa ku kabungwe kali koonse, kubungana kwakuli sangabalisywa kuli koonse, nkamu yabukombi yabuzangi iili yoonse. Uzulilwa kuli Kristo. Ngu Mukaintu Wakwe; kutali mukaintu wa mbungano.

Ngu sikuvuula. I Bbaibbele Iya kati waa kali “sibwaamu,” alimwi, “I BANYINA WA BASIBWAAMU,” elyo boonse bala boola antoomwe a kubamba nguwenya sikuvuula. Elyo musyobo oyo wa mwanakazi ngu mwanakazi oyo uutasyomeki ku Mulumi wakwe; nkabela kataminina Kristo kuba mulumi wakwe, a kuzulilwa ku kabungwe. Mbufubafuba oobo! Tu zulilwa kuli Kristo.

¹⁶⁷ Pele, mu kuswiilila, oyu Mwanakazi muniini wa lusyomo, oyo uuponena ku lusyomo, Nabwiinga; muntu *awa, kuya*; kuno, kuzwa ku busena bumwi bumbi, mbungano imwi iimbi, kabungwe kamwi kambi, kufumbwa mbo cibede, muli bamwi ta. . . Lasyoma Ijwi Iya Leza, ulaswiilila, kalindila mu luyando, ku cisyomezyo ca bukkalo kuti citondezegwe. Ula cilangilila. Ngu cibeela ca Ijwi eelyo, alimwi Ula langilila buumi Bwakwe kuti buyubunune Ijwi eelyo.

Bakwesu, sa tamukonzyi kubona eco? Nda syoma eco tii camwiinda.

I Mubili ulindila (uli ndi Ijwi), lindila Buumi (uuli Muuya) kuti utondezye na ku Li bamba kuba Iyuumi. Eco ncecico Nca lindila. Taakwe buumi bumbi buyo beleka muli Nguwe. Ta konzyi kuboola ku buumi munzila iimbi. Nekubaboobo, Ula bumvwa ku busena kuya, alimwi Uli zyi ciyo citika; elyo mpaawa cacitika, nkabela Ula sinsimuka. Leza wakati, “A kube,” nkabela Waa kayubununwa mbuli umwi mutaanzi mbwa kayubununwa.

¹⁶⁸ “Bana batamvwi” caamba kumvwa. . . *Batamvwi* caamba “buzangi.” Nda kalangalanga eco mu dikishinari, kuti ndibe masimpe. Buzangi, kuzanga kulwana (nzi?) Ijwi Iya Leza Iyaka yubununwa. Mbuli Kaini kayubununa. . . kazanga kulwana ciyubunuzyo cakayubununwa ca Abela, cakasimpikizigwa aa Leza kuti wakali mululami. Elyo Kaini wakazanga kucilwana, nkabela wakajaya munyina.

I ba Farisi, a luzibo lwabo beni lwakabungwe lwa Ijwi Iya Leza mbo Iyakabede, bantu bakasalwa kabotu,

kabazanga kulwana Ijwi lya Leza lyaka simpikizigwa ilya kayubununwa lya buzuba, Jesu Kristo, nkabela baka Mu jaya. Mbo mbubo na?

Eco ncecico “bana batamvwi” ngu, buzangi bwa kulwana Ijwi lya Leza.

Lino sena mwabona awo mpo babede? “Oh, mazuba aa maleele akamana. Jesu Kristo tacili mbobuca akwalo. Taakwe cintu cili boobu mbuli lubapatizyo lwa Muuya Uusalala. Zintu ezyo zyoonse mbufubafuba!” Mwabona, buzangi! Ta beelede akwaamba zintu zyobile; elede kwaamba comwe, kwamana. Obo mbuzangi, mpoonya awo. Ta bakonzyi kwaamba kuti tojisi meso, tojisi matwi; weelede ku bweza mubili oonse, Ijwi lyoonse. Mwabona?

I lwiito lwa Muuya Uusalala, “Kamuzwa kuli nguwe, mutabi basizyaabilo ba kayanza kakwe kabuzumini ikakabungwe,” mbuli mbwaseka a kusabula Ijwi lya Leza lya buzuba bunu.

“Nkambo Leza tacapwi,” amuyeeye buyo. Uyo cijana. Muta pengi. Uyo cijana. I Bbaibbele, mu ba Efeso 4:30, ikuti na muyanda kulemba eyo aa mapepa, ba Efeso 4:30, kati. “Leza tacapwi. Kufumbwa cintu muntu ncabyala, eco ncayo tebula acalo.” Ta konzyi kucapa a kufuubazya, a kwamba zintu eezi, aku tasubulwa nkambo ka ncico. “Mbuli cinkwa aatala aa meenda, ciyo joka.”

¹⁶⁹ Ngu nabwiinga wa dyabulosi, uvungaidwe mu luzibo lwakwe, lubotelwa cibi alwa bukombi lwa bukkalo obu bubi buliko kwasunu, bwa ku kucenga. Oh, ma! I ka nkamu na kabungwe koonse ba myuuya ya lweeno, kwiinda ku luzibo lwa sayansi a lusumpuko lwasunu! Kataminina . . .

Tula jala mu maminiti buyo masyoonto. Nde elede kuyoima, nkambo ta Ndi konzyi kucimana coonse, mwabona.

Kataminina kuti uyaka nyika ndemu ya ndiywe kuti mupone mo. Ula taminina, kuti, mu lusumpuko lwakwe, waa yaka zikombelo zibotu, makkolegi, zikolo, zibbadela, malaibbrari, a kugwasya kwaciindi cisyoonto ku muntu, kakutakwe Ijwi lya Leza. Waa cicita. Waa tondezya kuti ulakonzya kucicita. Elyo bantu bacengwa kuli ncico; iiyi, munene; zikolo, tubungwe, zilengwa, bantu basama kabotu, bantu basaninwa kabotu.

Inga ndasala kukkala mu mundando wa civolevole ca cakulya, nkabela nke luleme kuli Leza; kwiinda kulya nkuku iikangidwe ziindi zyoatatwe a buzuba, a kuba uzululwa kuli sikuvuula mbuli oyo.

¹⁷⁰ Amuyeeye, oora liliafawfwi ciindi caando nociyo boola. Uyooba muli ncico na aanze aancico. Ciyo boola mbuli mubbi masiku. Ciyo kujata moonya muya, nkabela uli kuya. Ta kukabi kuzwa kuli ncico eelyo; unooli wa cibweza. Ko zwa!

I Angelo wakaseluka kuzwa Kujulu, a busyu bumweka kapati, a koongolola ku bantu. Wa kazunganya nyika. “Kamuzwa muli Babuloni, nkambo wawa. Mutabi basizyaabilo zya zipenzyo zyakwe, no bantu Bangu!” Kamuzwa kuli nguwe. Kamuzwa! Sena tii twazwaa kucibala mu Ijwi, kaindi kaniini kainda? I *angelo* ngu “mutumwa,” mwabona, kaseluka. Amubone Muuya Uusalala, “Kamuzwa kuli nguwe, kuti mutabi basizyaabilo.”

¹⁷¹ Lino wayaka zintu ezi zyoonse. Waa yaka mabungano mapati. Waa yaka makkolegi, zikolo, kutola bantu, a kubayiisya i-i mu lusumpuko, lutegwa, ndu botu. Alimwi ba bayiisya kwiinda mu lusumpuko lwasunu olo lwa banjizya mu mugodi wa lufu, kwiinda ku luzibo, kuzwa kuli Leza a Ijwi Lyakwe.

Sena ta mwabwene mayale aa makanze oonse? Sena mwabona eco, mbungano? [Mbunga yaamba, “Ameni.”—Mul.] Aanze mu luwo, ikuti na mwacibona mu mabungana aanu eeni ku masena kuya, amwaambe “ameni,” bamwi babo bayooziba awo mpo mwiimvwi. Mwabona?

Waa kacicita. Waa . . . Ngu kaleza ka nyika eyi, nkabela waa yaka makkolegi. Waa yaka mayunivesiti. Waa yaka zibbadela. Waa yaka malaibrari. Waa yaka zintu ezi zyoonse ku kugwasya muntu kwa ciindi cisyonto, kweelede buyo kuba cenga, kuzwa ku Ijwi eelyo. Alimwi nko kuli nkwa basololela? I mbungano yoonse yabukombi yadumpukila mu lufu, nkambo Leza wakati Uyo umpa sikuvuula, a bana bakwe, kubelesya mulilo walyoonse.

Kamuzwa kuli ncico, no bantu! Muta cegwi mukati muya. Nywebo kamuzwa ku cintu eco cakufwambaana mbuli mbo mukonzya!

Kwiinda ku luzibo lwasayansi, waa konzya kucita eci, eno mwabona, kakutakwe Ijwi Iya Leza.

¹⁷² Leza kwiina nakatusalila kuya ku masena aku yooba a zikolo. Kwiina nakacita. Kwiina naka twaambila kuyaka zibbadela. Zili kabotu. Kwiina naka twaambila kuyaka malaibrari. Peepe, munene. Kwiina nakacita.

Wa kati, “Amukambauke Makani mabotu.” Elyo, Makani mabotu, nku yubununa, kutondezya inguzu zya Muuya Uusalala.

Paulo wa kati, “I Makani mabotu akaboola kuli ndiswe, kutali kwiinda ku ijwi luzutu, pele kwiinda mu kuyubunuka a kutondezya kwa Muuya Uusalala.” Paulo wa kati, “Tee ndaka boola kuli ndinywe a majwi malemu a busongo kwiinda ku mwiiyi umwi wa zili boobu, pele Nda kaboola kuli ndinywe mu nguzu a kutondezya kwa Muuya Uusalala; kuteeti lusyomo lwanu lutabi mu busongo na luzibo lwa bantu ba nyika eyi, pele mu nguzu zya bubuke bwa Jesu Kristo; nkambo Ula pona, mbobuca nguwenya, sunu, amuya myaaka.” Leza kotugwasya kusyoma cintu nciconya, alimwi Leza kosimpikizya cintu nciconya mbuli Mbwa kali kucita.

¹⁷³ Ula musinkila kuti mutaboni ciyubunuzyo ca bwini a lusyomo lwa Ijwi lya Leza kali yubununwa aku simpikizigwa sunu, kwiinda ku zikolo zyakwe, malaibrari, malembo, zibbadela, a zimwi zimbi. Mwabona? Ula musinkila kuti muta ciboni. Uli mukupandulula eno, mbuli mbwa kacita kuli Farao, kusola mukusinkila kuti mutaboni bupanduluzi bwa Ijwi lyaka simpikizigwa ilya bukkalo Bwakwe bwaka syomezegwa mu Mumuni waku mangolezya, kasimpikizigwa a kutondezegwa. Wa sola, kwiinda ku luzibo lwakwe, a zikolo, a bantu bakaiya kabotu, a milao yakulilemeka, a zimwi zimbi, ku musinkila kubona Eco.

Kufumbwa cintu, kutegwa muta langi kuli Eco a kubona kuti ngu Jesu Kristo! Mbobuti mboziba kuti ngu Jesu Kristo? Ngu Ijwi, alimwi Ngu Ijwi lya bukkalo. Alimwi bukkalo obu, wakati eci ciyo citika mu bukkalo obu, elyo mpaawo cili mukucitika. Mwabona? Mwabona? Uli mukusola mbuli mbwa konzya loko kumusinkila kubona Eco.

Uyo gwabika kufumbwa zina ibbi kuli Ncico mbuli mbwa konzya. Mwabona? Uyo Ciita kati “mubumbulusi uusalala” a zintu zyoonse zimbi. Wa kaita Jesu kuti “Bezebule.” “Elyo baita Simalela wa ng’anda kuti Bezebule, mbobuti kunji mba yoita basikwiiya bakwe?” Mwabona?

¹⁷⁴ Mwabona, kusoleka kumusinkila kubona bupanduluzi bwakasimpe ibwa Ijwi. Kutali eco. . . Mwabona, uli muku Ci pandulula, kaamba kuteeti caamba obu.

Leza wa kati, “Nda syomezya mu mazuba aaku mamanino Njo tuma Malaki 4.” Ta ceelede kupandululwa; Wa kacicita. Wa kati, “Elyo mbuli mbo kwakabede mu mazuba aakwa Lota, nyika iyooaba muciiimo ca Sodoma; alimwi mu ciindi eco, Njo yubununa Mwana wa muntu kuli ncico, mbombubo.” Tuli jisi misyobo yoonse ya basikulikozyanisya a zintu zyoonse zimbi, zya ncico, pele tuli jisi Umwi wakasimpe, aswebo. Mwabona? Wa kati Uyo cicita.

Wa kati sinkondonyinakristo uyo buka a kutandila kweena Basale ikuti na cakali kukonzeka. Pele wa kati, “Amu baleke balikke. Amu baleke bazumanane. Bufuba bwabo buyozibwa.” Nkaambonzi? I kusunkwa kwa Ijwi kula citondezya. Mwabona?

Cindi caboola ku Ijwi eelyo, “Eelyo lyakali kaindi munzila eyi, eyo na? Oh, Ta ndi syomi mu lunyungu lwa nzoka. Ta ndi syomi muli eci, eco, a cimbi.” Ca kayubununwa, mwabona, peepe, kwiina. Oh, mukwesu, kolanga biyo oko. . .

Tweelede kuti tujale, nkambo ngu twelufu okuloko.

¹⁷⁵ Amubone, kusola kumusinkila kubona bupanduluzi bwa Ijwi lya bukkalo obu, bwa Mumuni waku mangolezya kali pandululwa. Ngu i. . . Ino caambanzi? Ngu ciindi ca kulonga kuti cilafwaafwi, Leza uboolela Nguwe, masimpe mbuli nyika. Mwabona?

176 Lino Ndi yanda ku mubuzya mubuzyo. Kuciindi, ngu twelufu okuloko eno, maminti aali osanwe kwindilila; nkabela tuyo zumanana, sunu masiku. Sena mwabona kaleza ka bukkalo obu? [Mbunga yaamba, “Ameni.”—Mul.] Sena mula cisyoma? [“Ameni.”] Amubone mboyibede, mbungano, yabupampu, aya sayansi?

I nyika yoonse izulilwa kuli nkako, mwabona, tubungwe. Elyo, yebo wati, “Ndili Munakristo.” “Ino ngu kabungwe nzi nko zulilwa?” Ee, ikuti na Nda kazulilwa ku kabungwe, Ta ndisyomi kuteeti inga Nda ba Munakristo. Lino, eelyo ndi bbala pati, pele lili kabotu.

Nda zwaa kumana biyo kwaamba kuti luzibo a sayansi, a Bunakristo, tazikwe luswaanano noluceya. Cimwi nca dyabulosi, a cimbi cimwi nca Leza. Kufumbwa cintu eco cikaka Ijwi Iya Leza, amu citantamuke. Mwabona? Peepe, munene. I Bbaibbele lilaita, ku mazuba aya aaku mamanino, ku Banakristo kuteeti bazwe kuli sibwaamu, oyo musamu wa bubotu a bubu.

177 Masimpe, uli jisi bubotu. Sa kuli muntu uukonzya kwaamba bubu bwa cibbadela? Peepe, munene. Laibrari? Peepe, munene. Lwiiyo? Peepe, munene. Pele, mwabona, bali mukubapa kakutakwe Ijwi. Mwabona obo mbocili ca lweeno? Kubapa mbungano ya kunjila, i bukombi bwa ku komba, “i kaleza kakakkede aatala aa cuuno.” I Bbaibbele Iyaka cisinsima.

178 Lino uzulilwa kuli kamwi ka tubunga oto tweendelezya. Kuli biyo obile angawo mu nyika eno, mbo cakabede lyoonse, alimwi ciyooba mane Jesu akasike, nkabela imwi yabo iyo nyonyoonwa. Lino uzulilwa kuli imwi ya mabungano. Imwi yabo, wa kasangana; imwi iimbi, wakazyalwa muli Njiyo. Mwabona?

Umwi wabo, uli cibeela cayo nkambo wakazyalwa muli Njiyo. Weelede kuba cibeela ca Njiyo. Sena inga Nda kaka kuti Ndi jisi kuboko? Ta Ndi konzyi akwalo kukaka Ijwi Iya Leza lili lyoonse, ikuti na Ndi cibeela ca Leza. Ndili cibeela ca William Branham; Ndili mu zibeela, alimwi zibeela zyoonse ncibeela cangu. Elyo Ijwi lyoonse Iya Leza lyeelede kweela mu muuya wangu, lyeelede kweela mu buntu bwangu, lyeelede kweela mu kuona kwangu, Li leelede kweela ku mizeezo yangu. Ikuti na mizeezo yangu iliimpene kuli Eco, nkokuti Muuya wa Leza taukkali muli ndime. Mbo mbubo. Tandikonzyi kukaka Ijwi Iyomwe Iya Ndilyo.

179 Uzulilwa kuli kamwi ka tubunga oto tweendelezya. Leelede kuba, ci leelede biyo kuba. Ngu Mubili wa Leza, oyo wiinda ku Ijwi; na mubili wa Saatani, kwiinda ku mbungano. Elyo nyika yoonse ileelede kuyo zulilwa ku mbungano imwi; iikomba kaleza kamwi. Yebo weelede kusala ku komba kaleza ka luzibo, ula yaamina kuli eco ncomvwa kwiinda ku luzibo,

ula yaamina kuli *eci*, na *eco*, na *cimbi*; na ula yaamina ku Ijwi lya Leza, kwiinda ku lusyomo, oko Mu langilila kuti Li simpikizye a ku Li bamba kuba bwini.

I Mbungano yakasimpe ya Leza ilalangilila kuboola kwa buzuba obo bubotu ibwa Mileniamu,
Cindi Mwami wesu uulelekedwe nayoboola a kukwempa Nabwiinga Wakwe uulindila;
Oh, moyo wangu uzwide kukwempwa mbuli mbo Ndi beleka, kulangilila a kukomba,
Nkambo Mwami wesu ulabweeda ku nyika alimwi.

Oh, Mwami wesu ulabweeda ku nyika alimwi,
Saatani uyoangwa kwa myaka ili cuulu, ta tuno jisi sikutusunka eelyo,
Jesu akumana kubweeda ku nyika alimwi.

¹⁸⁰ Oh, no bantu ba United States eyi, oko Mulumbe oyu nkuuya eno, amu tije canguzu mbuli mbo mukonzya kuzwa ku bukkalo obu bwa sayansi, aluzibo obo mbo tupona mo. Amu tijile ku Ijwi lya Leza!

Yebo, Mebo, taakwe muntu ukonzya—ukonzya, ku Ci ziba. Taakwe muntu ukonzya ku Ci tondezya. Leza ula tendezya Lwakwe Mwini. Taakwe muntu ujisi nguzu zya ku Li pandulula; mebo, taakwe muntu uumbi ujisi nguzu. Leza ula pandulula Lwakwe Mwini. Wa panga cisyomezyo. Wa kati inga Uyo cita eci mu mazuba aaku mamanino.

Elyo mu mazuba aaku mamanino aa kaleza ka bukkalo obu bubu kayo ofwaazya meso aa bantu, a luzibo lwako lwabupampu, ku musamu uusangene wa bubotu a bubu, kacuupa ku bantu. Elyo mpaawa caboola, eco cintu kacisololela, kabungwe ako kuzwa kaindi mu Makkalo aa Musinze, alimwi kakutanaba Makkalo aa Musinze, zyoonse kazisololela kuya mu muntu mulemu, Saatani, oyo wakati, “Njo lisumpula lwangu aatala lya bana ba Leza, nkabela bayo ndiswiilila.” “Elyo walo mbuli Leza uyo kkala mu tempele lya Leza, nkabela bana ba Leza bayo cengwa kuli nguwe.”

¹⁸¹ Baa, mwana wa Leza, wamba, “Ee, mukaintu wangu, tali; uli kabotu. . .” Ko zumanana, kuyabuya biyo. Mwabona?

Yebo waamba, “Ee, Wa kati ‘bana ba Leza.’ Iiyi, munene.

Muntu, kufumbwa mbwabede, wakabambwa mu cinkozya ca Leza, ku bulemu bwa Leza. Elyo mwanakazi ngu cipangwe cizwa ku mwaalumi, kutali Leza. Yaa. “Cindi bana ba Leza niba kabona bana basimbi ba bantu kuti bakali babotu, baka libwezela banakazi.”

“Elyo mbuli mbo cakabede mu mazuba aakwa Nowa, mbubonya mbo ciya kuba mu kuboola kwa Mwana wa muntu.”

Lino amulange, ikuti na muyanda kuziba eci ciimo mbungano mpoibede, amulangilile ciimo banakazi mbo babede, mwabona, nkambo walo ni mbungano. Amulangilile eco ncali mukucita, mwabona, alimwi mu bukkalo obu bubi bwa kuvuula.

¹⁸² Amulange, kwakanyina muunzi wabwaamu, wakanyina ciimo cibotu, mubyaabi loko, asilunya loko mu nyika, kwiinda Nazareta, nkabela kuzwa kuya Leza wakasala nakalindu. “Sa cintu cibotu cili coonse cinga cazwa mu Nazareta?”

Elyo kuzwa ku bukkalo obu bubi, oko kaleza ka bukkalo obu nkokaofwaazya meso aa bantu, kubelesya tubungwe a tuyanza twako twa buzumini; kuzwa ku bukkalo obo mbubonya, Leza uli mukusala i bantu ku Zina Lyakwe.

Nekubakuti kuno tababikkilwi maanu
nkabela balasampaulwa, buzuba bumwi
Mwami uyoleta

Bantu bakwe basalidwe mukati ka mulyango,
nkokuti abo bainda kubota zintu zyoonse.

Mpawo tuyoimba a koongolola, a kuzyanina,
I Kabelele kayoopa misozi yesu kuyuma;

Tu yooba aa mvwiki yomwe yakubotelwa
kuboola ku muunzi,

I myaka mitaanzi zyuulu zili ma kumi. (Mbo
mbubo.)

I bantu babotu maningi ba Zina Lyakwe elyo
baitwa kuti Nabwiinga Wakwe. (Sa eco cili
kabotu?)

Nekubakuti kuno tababikkilwi maanu
nkabela balasampaulwa, buzuba bumwi
Mwami uyoleta

Bantu abo basalidwe mukati ka mulyango,
(mu kulonga) nokuti abo bainda kubota
zintu zyoonse kuli ndime.

¹⁸³ Ndi yabuba muntu wacembaala. Nkabela mazuba angu atalika kuyabaala; elyo kubona kwangu ku meso kwatalika kuyabala; alimwi ciimo cangu ciniini ca buumi catalika kuyakila aans. Ta ndi yoowi mudima. Nkambo Ndi yanda kwaamba eci, a Paulo, “Ndili Mu zyi mu nguzu zya bubuke Bwakwe.” Takukwe makani oko nko bandizikkila, ikuti Nda nyikila mu lwizi, na kupya mu bbila lya mulilo, na kumana kuligwa mulavu, Uyo ita zina lyangu, nkabela Njo amba. Amen!

Atu kombe.

¹⁸⁴ Ikuti kuli baliko mukati mumo, na aanze ku luwaile lwa Mulumbe oyu koonse ku cisi, mu mabungano anu maniini a nkamu a mayake, alimwi kufumbwa ku busena nko mukkede, ikuti kuli umwi, oh, andi musungilizye; andi

mukombelezeye, mbuli mukambausi wa Makani mabotu; andi mukombelezeye, mu Zina lya Jesu Kristo; amu tije bukali bwa bukkalo obu bubi! Muta belekeli kaleza ka bukkalo obu bubi.

Oh, Ndi lizyi yebo wati, “Ncibotu. Bali kabotu.” Mbombubo, musamu uusangene. Tokonzyi kusanganya luzibo a Ijwi lya Leza.

Ngu Ijwi lyeedelede kusyomwe kwiinda ku lusyomo, kutali luzibo. Yebo to Li mvwisyi; ula Li tambula. Yebo wati Li likabotu, alimwi mpawo wa pona kuli Ndilyo. Kwamana koonse Nkwa kulomba kucita.

Ikuti na kuli uuliko eno awa mu nkamu yesu, ta tukonzyi kubamba lwiito lwaku cipaililo atala awa, nkaambo taakwe busena; na aanze kuya ku luwo, kuya ku mawaya aa matelefooni, ikuti na kuli umwi aanze kuya oyo uta Mu zyi. Uta . . .

¹⁸⁵ Oh, no banakazi, Nda mutapatila cifumo cino, kutali ndime, Nda balulula buyo Ijwi. Masusu mafwaafi, kusama tukobela twalo tuniini twakaindi, kulisamika lwanu kuboneka cabwaamu loko, sena tamuvwiisiyi kuti muuya oyo. . . Inga antela kosalala, mucizi, uuyandwa, cindi caboola ku mubili wako, pele mu buntu bwako toboni na eco cikujisi?

Sa Leza inga wabamba mwana Wakwe musimbi kuboneka cabwaamu kuti acenge mwana Wakwe wini mulombe, ku musukamina, ku babamba boonse ku kuba a bwiinguzi ku mamambe? Sa inga Wa cicita, mucizi? Ko libuzya mubuzyo oyo. Peepe, kutali kwiinda ku mamaile aa mamilioni aali kkumi. Uta bikki eco kuli Leza.

¹⁸⁶ Mukwesu, sena kaleza ka kakupa muuya wa nyika eyi kusikila tokonzyi kubona eco kuti cili lubide? Sa kaofwaazya meso aako, ku milao yakulilemeka kwa mbungano, kabungwe, kansiyansiya, azimwi zimbi, cakuti tokonzyi kubona kuti Leza ulimu kusimpikizya Ijwi Lyakwe a ku Li bamba boobo? Sa incito yako, sa simalela wako, sa mukaintu wako, sa bana bako, sa mbungano yako, na kufumbwa cintu, cakwaandanya kuzwa ku Ijwi lya Leza, lili nge matalikilo alikke aa Buumi? Ko citija, mukwesu wangu! Nda kuyanda, a luyando lwa buleza. Ta ndilemeki umwi wa bakwesu bangu kwiinda nduwe, taakwe nokuceya. Ikuti na Nda cita, inga Nda tondezya kulemeka muntu. Ta ndaambi zintu ezi kuti ndi munyemwe. Nda tondezya, kwaamba zintu ezi nkambo zili mu Ijwi lya Leza. Elyo mbuli mulanda wa Leza, a luyando lwa Leza mu moyo wangu, Ndi mwaambila zintu ezyo kutegwa mubone a kumvwsya. Ndiza inga tii mwaziba ikuti na tii Nda mwaambila. Sena muyo citija sunu?

Lino, ku masena oonse ku cisi, atu kotamike mitwe yesu.

187 Oyandwa Leza, kuli bikkidwe kumbele lyangu tutambala. A bantu bali cisidwe; Nda bikka maanza angu ali ntuto, kuteeti Uyo baponya.

188 Elyo Nda syoma, Mwami, sunu masiku, kuti kuyooba kuswaangana kupati, cakuti Inguzu zya Leza ziyooaba kuno, zitondezyo a zigambyo zipati. Mbuli mbo twakamvwa micelo kuzwa ku miswangano eyi misyoonto yakainda, obo kubotelezya maningi, kubona eco cakacitika! Nda lomba, oyandwa Leza, kuti Uyo tupa caabilo cabubili sunu masiku. Nda cilomba a moyo uusinizizye, Mwami, nkaambo nduyando lwangu kuli Nduwe a Ijwi Lyako, a ku bantu aaba. Ko cipa, oyandwa Leza.

189 Elyo ikuti aanze koonse ku cisi, na akwalo mukati muno eno, kuti kuli bamwi abo bacisidwe a kupenzegwa, nkabela beelede kuunka kwa sunu masiku, taba koba kuno, na kuba ku masena kuya mu mambungano na masena oko nkoba sweengene; Nda lomba kuti Uyo baponya. Lino, Mwami, pele ku kuponesegwa koonse kupati kwinda! Ikuti na Wa ponya mibili yabo ya kunyama kuzwa ku kkulenge, TB, kamano, cintu cimwi, bayo ciswa alimwi, kakutakwe kuzumbauzya, bayo pona ciindi cilamfu, nkambo mibili yabo icili kungsi a cibi, lutuko. Pele balekele bajane i-i kuponesegwa kwini kwa Buleza, kuponesegwa kwa buntu, oko kubamba cilinge cipya, kuzwa ku lufu kuya ku Buumi, elyo mpawo kulindila mu cilawo eci cakaindi ku kunununwa kwa mubili kwamana kunununwa buntu. Ko cipa, Mwami.

190 Akube kuti ba cije tubungwe a tunsiyansiya. Leza, kulaale ku masena kuya mu tunsiyisnsiya a tubungwe mo Nda kaswaana bamwi bakwesu babotu maningi. Elyo, Leza, mbobuti mbo Ndi konzya kwaamba kuti bayo bona, a kubelekela kubona Ijwi? Cila ndipenzya. Pele Ndi lizyi, alubo, kuteti Yebo wakati, “Taakwe muntu ukonzya kuboola,” takukwe makani obo mbwali mubotu, obo mbwali mubombe, obo mbwali sibuyya, “cita kuti Taata Wangu wa mwiita. Elyo boonse abo Taata Wangu mba Ndi pa, bayo boola kuli ndime.” Elyo, Mwami, Nda umvwa mulimo wangu ulikke wa kwaamba Bwini.

Elyo kutali mbuli Paulo, “Kutabisya Ijwi lya Leza calweeno,” akayanza kabuzumini ka kabungwe kasangene muli Ndilyo, mbuli musamu wa kasangana a bubotu a bubi a luzibo, bubotu a bubi; pele a moyo uujukide a Muuya Uusalala. Ko cipa, Leza. Kovuna umwi aumwi.

191 Lino a mitwe yesu kiikoteme a meso eesu kajalide. Elyo kutali ndime...Ta ndikonzyi ku caamba mu nzila eyi, “Ta cindibambi lwaandano naa wacitita na pe.” Cila ndibambila lwaandano. Nda muyanda. Elyo Nda syoma ta muyeyi nkambo Nde elede kwaamba cabukali...Mbuli

Paulo mbwa kaamba, “Ndi yanda kuba andinywe, elyo inga Nda cinca ciimo cangu.” Ta kuli kuti takali ku bayanda; wakali kubayanda. Kutali. . . Mbuli Jesu waka leelede kuba tapatila, elyo mpawo kuba fwida. Mwabona, “Taata, ko bajatila; tabazi akwalo eco ncobali mukucita.” Ku yeeya, muntunsi oyo uuyanda ku lulama, a kusola kuba mululami, a ku bona dyabolosi oyo. . . Oyo ngo umwi ngo Ndi lwana, oyo waofwaazya meso aa bantu aba.

¹⁹² I cisi eci ceelede kuti kaciyaka a bulemu bwa Leza, kubona eco cacitika muli nguwe mu buzuba obu bwa mamano, obu bwa mamano. Nkambonzi lubukulusyo olu nco lwatauma cisi cakaindi? Eyi ni Nkomwe ya Kumbo kutala kuno, kulaale loko kumbo mbokonzya kweenda. Lino cisitilizyo ca cibi cazuzuma kungsi lya nyika, nkabela ilimu kubbila; masena, a Los Angeles a Hollywood, kubbila mamaile manji loko oora a oora, kwiina nzila yakucilesya. Inzya, yali waano. Kanji kufumbwa ciindi tu yoomvwa malalile a kwiitwa. Ikuti na mulizi kuti. . .

Lino, kutabi muntu uulanga. Pele ikuti kamuzi, kuzwa ku myoyo yanu. . . nda mulomba. Ta ndikonzyi kuziba myoyo yanu, cita kuti Leza wa ciyubununa. Pele kuzwa ku myoyo yanu, ikuti na mula konzya kubona kuti tamuli awo mpo mweelede kuba a Leza a Ijwi Lyakwe, mu lusyomo, mwalombwa kuti mutambike biyo maanza aanu kuli Nguwe, kwaamba kuli Nguwe, “Mwami, Yebo kogwasya kutasyoma kwesu.” O Leza! Aanze lya cikombelo eci, cizwide, cizwide koonse ku bulambo, mukati aanze, myaanda iliko ncobeni ya maanza, ndiza maanza aali myaanda yobile aatambika. Ndamu lumba ku kusyomeka kwanu.

¹⁹³ Oyandwa Jesu, utalekeli umwi wabo kusweeka. Mbuli mulanda Wako, oyo wiima aakati ka baumi a bafu, ku batondekela, a munwe, ku Ijwi lya Leza. Ta ndikonzyi ku bafutula, Mwami, pele bayanda kufutulwa. Alimwi, Taata, mbuli mbo Nda amba zinji, izuba lilapasula kuseeni; alimwi mbuli mbo liboola aatala koonse ku nyika, li latumwa aa Leza kuti nseke zibizwe, ku bamba cakulya ca kunyama ku buponi bwa kunyama. Pele, O Leza, Yebo wakati, “Kuli balo abo bayoowa Zina Lyakwe kuyopasuka Izuba lya bululami mu mababa Aakwe.” Kolekela Izuba lya bululami, Ijwi lya Leza, lipasuke mu myoyo ya bantu, a mitunga ya kuponesegwa ya lusyomo omo Ijwi liponye batamvwi boonse kuya ku Ijwi, a kubaleta ku buzule bwa bana basimbi a balombe ba Leza.

Mbi Bako, Mwami. Mu Zina lya Jesu Kristo, boonse kuno aanze kuya ku luwo, Nda batuula abo batambika maanza abo kuli Nduwe nkambo ka lufutuko lwa buntu bwabo. Ameni.

Oko buntu bwangu bwa kakwempwe nko
buyo jana (Kuli? Aa cipaililo eci.)

Kupumuna kutala . . . (ku lusyomo Nda langa
kuya oko Nko ndiya)

Munsi ku ciingano, (oko nkokuko Ijwi nkoli
jatilide) . . . ciingano,

Kube bulemu bwangu lyonse;

Kusikila buntu bwangu bwa kakwempwa
buyo jana

Kupumuna kutala aa mulonga.

Jesu, kondi bamba . . . (Eco, nkubambulwa a
Nguwe, tandi yandi cintu ca nyika. “Kondi
bamba nkebambwidwe.”)

Kuli kasensa kayandisi,

Nka boonse cabuyo, kalonga ka kuponya,

Kakunka kuzwa ku kasensa ka Kalivari.

Mu ciingano, mu ciingano,

Kube bulemu bwangu (atu tambike maanza
eesu) lyonse;

Kusikila buntu bwangu bwa kakwempwa
buyo jana

Kupumuna kutala aa mulonga.

¹⁹⁴ [Mukwesu Branham eno wakanana kuli basikulizya
ziimbo—Mul.] “Inga ndamvwa Mufutuli wangu kaita.”

Ko somepekezya a kujata janza lya muntu umwi, a
kwaamba, “Leza aku longezeye, o Munakristo.”

[Mukwesu Branham wakanana alimwi kuli basikulizya
ziimbo—Mul.] “Inga ndamvwa Mufutuli wangu kaita.”

Nywebo mwamvwa Busyu Bakwe na? [Mbunga yaamba,
“Ameni.”—Mul.]

Aanze kuya ku mayuwe aa mafooni, nywebo nyoonse a
musukane maanza umwi aumwi, a kwaamba, “Leza aku
longezeye, o Munakristo.”

¹⁹⁵ Nywebo mulizi, kuli ciziba ca maanzi kusule kuya. Uli
mukubweza bantu abo basamide Zina Lyakwe. Na tona
bapatizigwa mu Zina lya Jesu Kristo ku kujatilwa kwa
zibi zyako, kuli ciziba, kuli cikobela, kuli muntu wiimvwi
ulibambilide. Uli tambidwe, ikuti na wamutambula ncobeni
Jesu kuba Mufutuli wako a kusyoma kuti obo Mbwini.

¹⁹⁶ Amuyeeye, taakwe muntu mu Bbaibbele, na kufumbwa
cindi kakutanaba kabunga ka mbungano ya Katolika,
wakasolwa ku bapatizigwa munzila iimbi kunze lya mu Zina
lya Jesu Kristo. Taakwe busena bujanwa mu Lugwalo, na
makani aakale, muntu uuli oonse wakasolwa ku bapatizigwa,
mu Mbungano ya Leza uupona, mu zina lya mabande a
“Taata, Mwana, Muuya Uusalala.” Nkayanza kabuzumini bwa
Katolika, kutali lwiioyo lwa Bbaibbele.

¹⁹⁷ Mu kubuzigwa buzigwa a mupaizi, Nda kamubuzya kuti. Wa kati, “Obo mbwini. Pele tuli mbungano; tula konzya kucinca cintu nco tuyanda. I kusinizya kupati kuli mu mbungano. Leza uli mu mbungano Yakwe.”

¹⁹⁸ Nda kati, “Leza uli mu Ijwi Lyakwe. Elyo ikuti na mbungano...” Nda kati, “Leza ngu Ijwi. Elyo ikuti na mbungano iliimpene ku Ijwi, nkokuti ta Ndi syomi mbungano.”

Nda lekela ijwi lya muntu oonse kuba bubeji, naa waba mupaizi, pope, kufumbwa obo mbwanga waba, alimwi Ijwi lya Leza libe bwini.

Elyo Paulo mbwa kacitya bantu boonse, takukwe makani obo mbwa kabapatizigwa, ikuti na taka bapatizigwa mu Zina lya Jesu Kristo, nkuboola a kubapatizigwa alimwi.

¹⁹⁹ Elyo kumane bamwi bakatambwide kale Muuya Uusalala, Petro wa kati, “Sena inga twakasya maanzi, mukubona kuti aba batambula Muuya Uusalala,” Incito 10:49, “mukubona kuti aba batambula Muuya Uusalala mbuli mbo twakacita ku...” Elyo wa kabalailila, “Kamutana kuzwa ku busena, nekubakuti mwaka tambula Muuya Uusalala, amuboole mu bapatizigwe mu Zina lya Jesu Kristo.”

Nkambo, Petro wakapegwa zijaluzyo zya ku Bwami, kwaamba, “Kufumbwa cintu nco mwaanga aansii, Njo caanga Kujulu.” Nkabela cijaluzyo cicita nzi? Ci jula cintu cimwi, makani aasisidwe.

²⁰⁰ Elyo cindi Jesu na kati, “Ka muya, mu kabapatizye mu Zina lya Taata, Mwana, Muuya Uusalala,” kabamba eco kuya ku koofwaazya uutasyomi.

Amulangilile! Nkaambonzi Petro nca takacita eco, ijwi ku ijwi? Wa kalelede.

Ikuti na muntu waka bapatizigwa mu mabande, “Taata, Mwana, Muuya Uusalala,” walo tana bapatizigwa nokuceya; ta jisi Zina. *Taata* talili zina, *Mwana* talili zina, *Muuya Uusalala* talili zina. I Muuya Uusalala ngu Eco mboubede; mbuli, Ndili muntunsi. Ngu Muuya Uusalala.

Taata mbubande; Ndili taata. *Mwana* mbubande; Ndili mwana. *Muntunsi* mbubande; obo mbo Ndi bede. Pele zina lyangu ngu William Branham.

Elyo Zina lya Taata, Mwana, Muuya Uusalala ndi Zina lya “Jesu Kristo.” Jesu wakati, “Nda boola mu Zina lya Taata Wangu.” Ino Zina lya Taata nguni? Kufumbwa mwana uboola mu zina lya wisi. Elyo Zina lya Taata ngu Jesu Kristo. Mwabona? Sena mwabona Nce ndaamba?

²⁰¹ Ikuti na Nda kwaambila kuya kunselelo a kundijanina cintu cimwi ku kkaunta ansi awa, mu zina lya mweendelezi wa dolopo. Mbangaye bazi mweendelezi wa dolopo kuti

nguni? Mweenzuma wangu mubotu, Rich Vissing. Ee, inga toinka kunselelo kuya a kwaamba “mu zina lya mweendelezi wa dolopo.” Yebo waamba, “Mu zina lya Richard Vissing.” Nywebo no bantu mu Jeffersonville mulizi kuti nguni.

Nkabela ako nke kaambo Nca kati, “Taata, Mwana, a Muuya Uusalala.” Muli Nguwe mukkala Buleza, buzule bwa Buleza camubili. Wa kati, “Amu bapatzize mu Zina lya Taata, Mwana, Muuya Uusalala.”

²⁰² Petro kaimvwi awo a ciyubunuzyo aawo Mpa kayaka Mbungano, kwa Oyo Mbwa kabede, wa kati, “Amusanduke, umwi aumwi wanu, a ku bapatzigwa mu Zina lya Jesu Kristo.” Elyo taakwe. . . I zizaluzyo zyakajula Kujulu a ansi. “Takukwe Zina limbi kungsi aa Kujulu lipedwe aakati ka bantu mwalo omo mweelede kufutulwa.”

²⁰³ Nkaambonzi nco bapatziza mu Zina lya Jesu Kristo? Nkambo ka kujatilwa zibi. “Kufumbwa zibi nzo mwajabila, kuli mbabo zyajatilwa.” Mwabona? Pele ikuti na uyeeya kuti taceelede a kweelela ku bapatzigwa, uta ciciti. Nkambo, cindi wacicita, eco cila cicita, mwabona. Sena mwamvwa Nce ndipandulula?

Inga ndamvwa wangu Mufu- . . . (Ijwi) kaita,
(kaita kunselelo kuya ku cuumbwe)
Inga nda . . . (“Sa tokofwa a Ndime, kutegwa
ukabuke a Ndime?”) . . . -tuli kaita,
Inga ndamvwa Mufutuli wangu kaita, (ino
nyika iyoamba nzi?)
“Kobweza ciingano cako, a kutobela,
kutobela . . .”

Lino, ikuti na tona citwa:

Oko Nkwa (Walo ndi Ijwi) ndisololela Njo . . .
(nceeci ciziba)
Oko Nkwa ndisololela Njo tobela,
Oko Nkwa ndisololela Njo tobela,
Njo unka a Nguwe, a Nguwe lweendo loonse.

Atu kotamike mitwe yesu.

²⁰⁴ Oyandwa Leza, ciziba cilibambidwe. Lino kwaambaula ku myoyo, Mwami. Akube kuti bamvwe Kristo, Ijwi, li baita, a kuunka a Nguwe lweendo loonse.

“Njo unka a Nguwe kwiinda mu muunda. Njo unka a Nguwe ku ciziba. Njo sama Zina Lyakwe. Ndi yanda kuba umwi wa bantu Mbali mukwiitila Zina Lyakwe. Njo syoma Ijwi Lyakwe. Njo tobela. Ta ndi kalilemeki cankwela ku nyika. Njo ba Nabwiinga uusyomeka, waka tangwa. Ta ndi kasiyi kabeela komwe ka Ijwi Lyakwe. Kulomba koonse, Uyo oba Nabwiinga, wakasimpe ncobeni. Zintu zyoonse Nzya ndilomba kucita, ezyo Njo cita.

“Ikuti Mulumi wangu uuboola uyanda ndime kulekela masusu aangu kulampa, Njo cicita. Ikuti na Uyanda ndime kugwisya misila eyi yoonse, Njo cicita. Ikuti na Uyanda... Wa ndaambila kuti ngu muuya mubi, umwi mubi ngo Ndili mukulilemeka cankwela anguwo, zikobela ezi ziboneka kuti nzyabwaamu; Njo cicita, Njo zisamununa. Ta ndikwe makani eco muntu uuli oonse umbi ncaamba, Njo zisamununa.

“Uyanda ndime kuzwa mu nkamu eyo nje Ndili ayo, ya batasyomi, Njo cita; nekubakuti Mpe janina cakulya cangu, na kufumbwa mbicibede. Wa kasyomezya kuti Ta kandisiyi naanka kundilekelezya. Njo—Njo cicita. Njo unka a Nguwe lweendo loonse. Uyanda ndime ku bapatizigwa mu Zina Lyakwe, Njo cicita.”

Mwami, Wa kacisyomezya mu Ijwi Lyako awa, eco Nco kali kuyanda. Akube kuti bantu boonse bacibone, Mwami, alimwi cabubotu, cabubombe kukotama kuli ncico. Mu Zina Iya Jesu Nda lomba. Amen.

²⁰⁵ Yebo uzulilwa kuli Leza. Akube kuti Leza abweze majwi maniini aapalangene a kwabamba kuba kasimpe kuli ndinywe, oyu ngo mupailo wangu wakusinizya.

I ciziba cila bambwa. Kufumbwa muntu uuyanda kuboola, bali... I mukutausi ulambilizya eco kwaında kaindi kaniini. Kufumbwa weempwa alimwi uyanda kubapatizigwa, kubelesya Zina Iya Jesu Kristo, koboola buyo nkonya kumbele. Zintu zyoonse zili bambidwe. “Zintu zyoonse zya bambwa.” Zintu zyoonse nze tukonzya kucita ku kugwasya kuti uponene Leza, tuli waano kucicita. Leza amu longezye.

²⁰⁶ Lino atwiime. Lino kaimbo kesu kaniini, *Nda Mu yanda*. “Nda Mu yanda nkaambo Wa kassnguna kundiyanda.” Atu kaimbe, muntu oonse eno.

Nda Mu yanda, . . .

Atu nyamune maanza eesu mbuli mbo tu kaimba.

. . . Nda Mu yanda

Nkaambo Wa kasaanguna kundiyanda

A kuula lufutuko lwangu

Aa cisamu ca Kalivari.


A mitwe yesu a myoyo kiikoteme eno, atu kang’ung’una kuli Nguwe. [Mukwesu Branham watalika kung’ung’una *Nda Mu Yanda*—Mul.]

Nda Mu yanda.

[Mukwesu Branham wazumanana kung’ung’una *Nda Mu Yanda*—Mul.]

O Leza, Taata wesu, kofwida luse kuli ndiswe to zilenge zitakwe ankoziya, Mwami. Kotuyumya nkambo ka mulimo uulede kumbele Iyesu. Ko ndigwasya, O Leza, ko ndigwasya!

Ndi mwawa kuti cintu cimwi cili bikkidwe ncobeni ku busena awa, Taata. Ko ndigwasya, O Leza, ku ziba Bwini. Ko leleka bantu aaba, oyandwa Leza. Ba sololele, Nda lomba, mu Zina lya Jesu.

²⁰⁷ Lino kuciindi mitwe yesu kiikoteme, Njo lomba mweembeli awa, Mukwesu Neville, mukwesu wesu muyandisi, aboole atala mponya awa eno a kwaamba eco ncayocita, kujatikizya naa . . .kujatikizya lubapatizyo. Inga ndaambilizya eco. Ndi yeeya kuti ciziba cili jukide, akwalo. 

I KALEZA KA BUKKALO OBU BUBI TNG65-0801M

(The God Of This Evil Age)

Oyu Mulumbe aa Mukwesu William Marrion Branham, wakakambaukwa mu Chikuwa kuseeni Munsondo, Iwivwi 1, 1965, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2016 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org